

摘藻堂四庫全書薈要

集部

欽定四庫全書薈要

集部

御選古文淵鑒卷十五

欽定四庫全書薈要

御選古文淵鑒卷十五目錄

漢



條災異封事

請封甘延壽陳湯疏

請起昌陵疏

極諫外家封事

定禮樂疏

杜欽

訟馮奉世疏

翼奉

應直言封事

薛宣

申勅刺史疏

王尊



勅掾功曹教

劾匡衡張譚奏

公乘興

訟王尊書

劉輔

諫立趙婕妤疏

谷永

祭祀方術奏

訟陳湯疏

梅福

言王氏書

請封孔子世為殷後書

御選古文淵鑒卷十五目錄

欽定四庫全書薈要卷一萬七千一百六十八

集部

御選古文淵鑒卷十五

內閣學士兼禮部侍郎教習庶吉士臣徐乾學等奉

旨編注

漢

劉向

字子政本名更生楚元王交之曾孫元帝初為散騎宗正給事中與蕭望之周堪金敞同

輔政為外戚許史中書宦官弘恭石顯所譖下獄免官成帝即位復進用數奏封事為中壘校尉

條災異封事

辨而裁雅而瞻淵  
然經術之氣不徒  
以侃正見長

臣前幸得以骨肉備九卿奉法不謹乃復蒙恩竊見災

異並起天地失常徵表為國

徵證也

欲終不言念忠臣雖

在眵畝猶不忘君惓惓之義也況重以骨肉之親又加

以舊恩未報乎欲竭愚誠又恐越職然惟二恩未報忠

臣之義一抒愚意退就農畝死無所恨臣聞舜命九官

濟濟相讓和之至也衆賢和於朝則萬物和於野故蕭

韶九成而鳳皇來儀擊石拊石百獸率舞四海之內靡

西山真德秀曰  
自竊見以下凡  
七八轉忠誠惻  
怛之意藹然見  
於言外非積於  
中者厚不能及  
也

不和寧及至周文開基西郊雜還衆賢罔不肅和

雜還聚積

之貌○還大合反

崇推讓之風以銷分爭之訟文王既沒周公

思慕歌詠文王之德其詩曰於穆清廟肅雍顯相濟濟

多士秉文之德

周頌祀文王清廟之詩

當此之時武王周公繼政

朝臣和於內萬國驩於外故盡得其驩心以事其先祖

其詩曰有來雍雍至止肅肅相維辟公天子穆穆

周頌禘太

祖之

言四方皆以和來也諸侯和於下天應報於上故

周頌曰降福穰穰

此執競之篇祀武王之詩

又曰飴我釐麴

此思文之篇以

后稷配天之詩釐麴麥也始自天降此皆以和致和獲天助也

下至幽厲之際朝廷不和轉相非怨詩人疾而憂之曰

民之無良相怨一方

此小雅角弓之篇刺幽王之詩

衆小在位而從邪

議歛歛相是而背君子故其詩曰歛歛訛訛亦孔之哀

謀之其臧則具是違謀之不臧則具是依

此小雅小旻之篇刺幽王

之君子獨處守正不撓衆枉勉彊以從王事則反見憎

毒讒愬故其詩曰密勿從事不敢告勞無罪無辜讒口

磬磬

此小雅十月之交篇刺幽王之詩密勿猶黽勉也詩作黽勉

當是之時日月薄

西山真德秀曰  
和字乃一篇綱  
紀

臣正治曰子政  
精於五行其條

災異博而有徵  
非湛深經術者  
不能

荆川唐順之曰  
引詩書者當法  
此體

臣熙曰篇中多  
引經語不嫌冗

蝕而無光其詩曰朔日辛卯日有蝕之亦孔之醜

自此以下

至百川沸騰皆又曰彼月而微此日而微今此下民亦

十月之交詩

孔之哀又曰日月鞠凶不用其行四國無政不用其良

天變見於上地變動於下水泉沸騰山谷易處其詩曰

百川沸騰山冢卒崩高岸為谷深谷為陵哀今之人胡

憯莫懲霜降失節不以其時其詩曰正月繁霜我心憂

傷民之訛言亦孔之將言民以是為非甚衆大也

此小雅正

月之篇刺此皆不和賢不肖易位之所致也自此之後

幽王之詩

雜首尾相生反  
覆照應雄渾博  
大猶有先秦之  
遺

西山真德秀曰  
叙次有法故不  
覺其冗

天下大亂篡殺殃禍並作厲王奔彘幽王見殺至乎平

王末年魯隱之始即位也周大夫祭伯乖離不和出奔

於魯而春秋為諱不言來奔傷其禍殃自此始也是後

尹氏世卿而專恣諸侯背畔而不朝周室卑微二百四

十二年之間

謂從隱公元年至哀公十四年獲麟也

日食三十六地震五

山陵崩阨二

阨下頽也  
○文爾反

彗星三見夜常星不見夜中星

隕如雨一火災十四長狄入三國五石隕墜六鷁退飛

多麋有蜮蜚鸛鵒來巢者皆一見晝冥晦雨木冰李梅



冬實七月霜降草木不死八月殺菽大雨雹雨雪雷霆

失序相乘水旱饑螽蝻螟螽午並起

螽午猶禱沓也

當是時禍

亂輒應弑君三十六亡國五十二諸侯奔走不得保其

社稷者不可勝數也周室多禍晉敗其師於貿戎

貿戎地名

也春秋公羊經成元年秋王師敗績於貿戎傳曰孰敗之蓋晉敗之也○貿莫侯反

伐其郊鄭傷

桓王戎執其使

隱七年冬經書天王使凡伯來聘戎伐凡伯於楚丘以歸衛侯朔召

不往齊逆命而助朔五大夫爭權三君更立莫能正理

迂齋樓昉曰鋪

叙有倫首尾相

應味其書詞方

知其忠愛懇惻

周景王崩單穆公劉文公鞏簡公甘平公召莊公此五大夫相與爭奪更立王子猛子朝及敬王是為三君也

之意與他人不  
同

遂至陵夷不能復興由此觀之和氣致祥乖氣致異祥  
多者其國安異衆者其國危天地之常經古今之通義  
也今陛下開三代之業招文學之士優游寬容使得並  
進今賢不肖渾殽白黑不分邪正雜糅忠讒並進

糅和也

汝救

章交公車人滿北軍

漢儀注中壘校尉主北軍壘門內尉一人主上書者獄上

章於公車有不如法者

朝臣舛午

午五故反

膠戾乖刺更相

讒慝轉相是非傳授增加文書紛糾前後錯繆毀譽渾  
亂所以營惑耳目感移心意不可勝載分曹為黨往往

羣朋將同心以陷正臣正臣進者治之表也正臣陷者  
亂之機也乘治亂之機未知孰任而災異數見此臣所  
以寒心者也夫乘權藉勢之人子弟鱗集於朝羽翼陰  
附者衆輻輳於前毀譽將必用以終乖離之咎是以日  
月無光雪霜夏墮海水沸出陵谷易處列星失行皆怨  
氣之所致也夫遵衰周之軌迹循詩人之所刺而欲以  
成太平致雅頌猶卻行而求及前人也初元以來六年  
矣案春秋六年之中災異未有稠如今者也夫有春秋

之異無孔子之救猶不能解紛况甚於春秋乎原其所  
以然者讒邪並進也讒邪之所以並進者由上多疑心  
既已用賢人而行善政如或譖之則賢人退而善政還  
還謂收還也夫執狐疑之心者來讒賊之口持不斷之意者

開羣枉之門讒邪進則衆賢退羣枉盛則正士消故易  
有否泰小人道長君子道消君子道消則政日亂故為  
否否者閉而亂也君子道長小人道消小人道消則政  
日治故為泰泰者通而治也詩又云雨雪麋麋見覲聿

消

此小雅角弓篇刺幽王好讒佞之詩

與易同義昔者鯀共工驩兜與舜

禹雜處堯朝周公與管蔡並居周位當是時迭進相毀

流言相謗豈可勝道哉帝堯成王能賢舜禹周公而消

共工管蔡故以大治榮華至今孔子與季孟偕仕於魯

李斯與叔孫俱官於秦定公始皇賢季孟李斯而消孔

子叔孫故以大亂污辱至今故治亂榮辱之端在所信

任信任既賢在於堅固而不移詩云我心匪石不可轉

也

邶風柏舟之詩

言守善篤也易曰渙汗其大號

此易渙卦九五爻辭

言

號令如汗汗出而不反者也今出善令未能踰時而反

是反汗也用賢未能三旬而退是轉石也論語曰見不

善如探湯今二府奏佞調不當在位歷年而不去

二府丞相

御史也

故出令則如反汗用賢則如轉石去佞則如拔山

如此望陰陽之調不亦難乎是以羣小窺見閒隙緣飾

文字巧言醜詆流言飛文譁於民間故詩云憂心悄悄

愠於羣小

此卽栢舟言仁而不遇之詩

小人成羣誠足愠也昔孔子

與顏淵子貢更相稱譽不為朋黨禹稷與臯陶傳相汲

臣德宜曰用人  
行政是禳災祈

引不為比周何則忠於為國無邪心也故賢人在上位

則引其類而聚之於朝易曰飛龍在天大人聚也

此乾卦九

五象

在下位則思與其類俱進易曰拔茅茹以其彙征

吉

此泰卦初九爻辭

在上則引其類在下則推其類故湯用伊

尹不仁者遠而眾賢至類相致也今佞邪與賢臣並交

戰之內

交戰謂宿衛者

合黨共謀違善依惡歛歛訛訛數設危

險之言欲以傾移主上如忽然用之此天地之所以先

戒災異之所以重至者也自古明聖未有無誅而治者

福之本此全在  
人事發論其言  
皆根本六經視  
京房翼泰諸家  
專言機祥者迥  
別

也故舜有四放之罰而孔子有兩觀之誅然後聖化可  
得而行也今以陛下明知誠深思天地之心迹察兩觀  
之誅覽否泰之卦觀雨雪之詩歷周唐之所進以為法  
原秦魯之所消以為戒考祥應之福省災異之禍以揆  
當世之變放遠佞邪之黨壞散險詖之聚杜閉羣枉之  
門廣開衆正之路決斷狐疑分別猶豫使是非炳然可  
知則百異消滅而衆祥並至太平之基萬世之利也臣  
幸得託肺附肺附謂肝肺相附誠見陰陽不調不敢不  
著猶言心膂也



延壽湯雖有矯制之罪而其功自不可泯中間比較功罪處明與動人

通所聞竊推春秋災異以效今事一二條其所以不宜

宣厄臣謹重封昧死上

時蕭望之自殺天下甚悼恨之周堪與弟子張猛俱進用大見

信任恭顯數譖毀焉向懼其傾危乃上封事諫恭顯見其書愈與許史比而怨向等

請封甘延壽陳湯疏

延壽湯出西域發兵誅邳支單于石顯匡衡以為矯

制不宜加爵土議久不決向上疏

邳支單于囚殺使者吏士以百數事暴揚外國傷威毀重羣臣皆閔焉陛下赫然欲誅之意未嘗有忘西域都護延壽副校尉湯承聖指倚神靈總百蠻之君檻城郭

客齋洪邁曰為文論事當反覆

致志救首救尾

則事辭章著覽

者可以立決劉

向上疏首言周

方叔吉甫誅獫

狁次言齊桓公

有滅項之罪君

子不以功覆過

李廣利靡億萬

之費捐五萬之

師僅獲宛王之

首孝武不錄其

過封為列侯然

後極言今康居

之兵

檻總持之也

出百死入絕域遂蹈康居屠五重城蹙

侯之旗

○音騫

斬郅支之首縣旌萬里之外揚威昆山

之西掃谷吉之恥

元帝初元中衛司馬谷吉送郅支侍子至其庭被殺

立昭明之

功萬夷懾伏莫不懼震呼韓邪單于見郅支已誅且喜

且懼鄉風馳義稽首來賓願守北藩累世稱臣立千載

之功建萬世之安羣臣之勲莫大焉昔周大夫方叔吉

甫為宣王誅獫狁而百蠻從其詩曰嘽嘽焞焞如霆如

雷顯允方叔征伐獫狁蠻荆來威

小雅采芑之詩

易曰有嘉折

國強於大宛云  
云一疏抑揚接  
証明白如此故  
以衡顯出力沮  
害竟不能奪不  
然衡顯之議豈  
區區一故九卿  
所能亢步

首獲匪其醜

離上九  
爻辭

言美誅首惡之人而諸不順者皆

來從也今延壽湯所誅震雖易之折首詩之雷霆不能  
及也論大功者不錄小過舉大美者不疵細瑕司馬法  
曰軍賞不踰月欲民速得為善之利也蓋急武功重用  
人也吉甫之歸周厚賜之其詩曰吉甫燕喜既多受祉  
來歸自鎬我行永久小雅六月之篇千里之鎬猶以為遠況萬  
里之外其勤至矣延壽湯既未獲受祉之報反屈捐命  
之功久挫於刀筆之前非所以勸有功厲戎士也昔齊

臣廷敬曰自惠文而後剖符錫爵儲賞為多已非漢高之約矣而延壽湯獨以矯制見誅安可無此訟言也

桓公前有尊周之功

謂伐楚責芑茅及會王太子於首止

後有滅項之罪

項國名春秋僖十七年夏滅項公羊傳曰齊滅之也不言齊為桓公諱也桓常有繼絕存亡之功故君子為之諱

君子以功覆過而為之諱行事貳師將軍李廣利捐

五萬之師靡億萬之費經四年之勞

靡音廢

而虜獲駿馬

三十匹雖斬宛王母鼓之首

西域傳作母寡而此云母鼓鼓寡聲相近

猶不

足以復費其私罪惡甚多孝武以為萬里征伐不錄其

過遂封拜兩侯三卿二千石百有餘人今康居國彊於

大宛郅支之號重於宛王殺使者罪甚於畱馬而延壽

湯不煩漢士不費斗糧比於貳師功德百之且常惠隨

欲擊之烏孫

宣帝初常惠以校尉護烏孫兵擊匈奴封長羅侯

鄭吉迎自來之

日逐

鄭吉迎日逐王詣京師封安遠侯

猶皆裂土受爵故言威武勤勞

則大於方叔吉甫列功覆過則優於齊桓貳師近事之

功則高於安遠長羅而大功未著小惡數布臣竊痛之

宜以時解縣通籍

縣罪未竟也通籍不禁止令得出入也

除過勿治尊寵

爵位以勸有功

於是天子下詔公卿議封焉

諫起昌陵疏

成帝營起昌陵數年不成復還歸延陵制度泰奢向上疏諫

既博稱時聖之指  
切亡秦蓋見始皇  
之暴虐厚葬之非  
宜可為後世國陵  
奢侈之大戒矣

也下繫辭故賢聖之君博觀終始窮極事情而是非分明

王者必通三統天地人明天命所授者博非獨一姓也

孔子論詩至於殷士膚敏裸將于京大雅文王之篇喟然歎曰

大哉天命善不可不傳於子孫是以富貴無常不如是

則王公其何以戒慎民萌何以勸勉萌與眊同蓋傷微

子之事周而痛殷之亡也雖有堯舜之聖不能化朱均

之子雖有禹湯之德不能訓末孫之桀紂自古及今未

臣乾學曰集禮  
取諸大過歸厚  
之義應如是爾  
然欲計長久則  
莫若令其無可

有不亡之國也昔高皇帝既滅秦將都雒陽感寤劉敬

之言自以德不及周而賢於秦遂徙都關中依周之德

因秦之阻世之長短以德為効故常戰栗不敢諱亡孔

子所謂富貴無常蓋謂此也孝文皇帝居霸陵北臨廁

廁側近水也意悽愴悲懷顧謂羣臣曰嗟乎以北山石為椁

用紵絮斮陳漆其間斮斬也陳施也斮絮以漆著其間也○紵張呂反斮側畧反豈

可動哉張釋之進曰使其中有可欲雖錮南山猶有隙

使其中無可欲雖無石椁又何感焉夫死者無終極而

欲慮之周所以為孝之至也

東發黃震曰山陵當可為萬世戒

國家有廢興故釋之之言為無窮計也孝文寤焉遂薄

葬不起山墳易曰古之葬者厚衣之以薪臧之中野不

封不樹後世聖人易之以棺槨棺槨之作自黃帝始黃

帝葬於橋山堯葬濟陰丘壠皆小葬具甚微舜葬蒼梧

二妃不從禹葬會稽不改其列

不改樹木百物之列也

殷湯無葬

處

謂不見傳記也

文武周公葬於畢秦穆公葬於雍橐泉宮祈

年館下櫟里子葬於武庫皆無丘壠之處此聖帝明王

賢君智士遠覽獨慮無窮之計也其賢臣孝子亦承命



次崖林帝元曰  
諫廬葬首言國  
家無常之理意  
易世之後終不  
能保以見其無  
益此用意深遠  
矣中言古今聖  
帝明王賢臣智  
士薄葬之得以  
為勸末言吳秦

順意而薄葬之此誠奉安君父忠孝之至也夫周公武  
王弟也葬兄甚微孔子葬母於防稱古墓而不墳曰丘  
東西南北之人也不可識也為四尺墳遇雨而崩弟  
子修之以告孔子孔子流涕曰吾聞之古者不修墓蓋  
非之也延陵季子適齊而反其子死葬於贏博之間二邑  
穿不及泉斂以時服封墳掩坎其高可隱隱蔽之財而  
號曰骨肉歸復於土命也魂氣則無不之也夫贏博去  
吳千有餘里季子不歸葬孔子往觀曰延陵季子於禮

昏主暴君厚葬之害以為戒其必旁喻遠引不為簡捷直致所以感乎人主使浸注滋潤入其言而不覺也可謂善於立言善於告君矣人臣進言於君當以為法

合矣故仲尼孝子而延陵慈父舜禹忠臣周公弟弟其葬君親骨肉皆微薄矣非苟為儉誠便於體也宋桓司馬為石槨仲尼曰不如速朽秦相呂不韋集知畧之士而造春秋亦言薄葬之義皆明於事情者也逮至吳王闔閭違禮厚葬十有餘年越人發之及秦惠文武昭嚴襄五王皆大作丘隴多其瘞臧咸盡發掘暴露甚足悲也秦始皇帝葬於驪山之阿下錮三泉上崇山墳其高五十餘丈周回五里有餘石槨為游館人膏為燈燭水

銀為江海黃金為鳬鴈珍寶之臧機械之變棺槨之麗

宮館之盛不可勝原又多殺宮人生薶工匠計以萬數

天下苦其役而反之驪山之作未成而周章百萬之師

至其下矣

周章陳勝之將

項籍燔其宮室營宇往者咸見發掘

其後牧兒亡羊羊入其鑿

鑿謂所穿冢臧者○在到反

牧者持火照

求羊失火燒其臧擲自古至今葬未有盛如始皇者也

數年之間外被項籍之災內離牧豎之禍豈不哀哉是

故德彌厚者葬彌薄知愈深者葬愈微無德寡知其葬

愈厚丘壠彌高宮廟甚麗發掘必速由是觀之明暗之  
效葬之吉凶昭然可見矣周德既衰而奢侈宣王賢而  
中興更為儉宮室小寢廟詩人美之斯干之詩是也雅小

篇名美宣

王考室上章道宮室之如制下章言子孫之衆多也

及魯嚴公

即莊公也

刻飾宗廟多築臺囿後嗣再絕春秋刺

焉周宣如彼而昌魯秦如此而絕是則奢儉之得失也

陛下即位躬親節儉始營初陵其制約小天下莫不稱

賢明及徙昌陵增埤為高

埤下也音婢

積土為山發民墳墓

首言天命之無常勸王公之戒愼後來論此者非不多而向醞藉深遠矣

積以萬數營起邑居期日迫卒功費大萬百餘

大萬億也大巨

也

死者恨於下生者愁於上怨氣感動陰陽因之以饑

饉物故流離以十萬數臣甚愾焉以死者為有知發人之墓其害多矣若其無知又安用大謀之賢知則不說以示衆庶則苦之若苟以說愚夫淫侈之人又何為哉陛下慈仁篤美甚厚聰明疏達蓋世宜弘漢家之德崇劉氏之美光昭五帝三王而顧與暴秦亂君競為奢侈比方丘壠說愚夫之目隆一時之觀違賢知之心亡萬

世之安臣竊為陛下羞之唯陛下上覽明聖黃帝堯舜  
禹湯文武周公仲尼之制下觀賢知穆公延陵樗里張  
釋之之意孝文皇帝去墳薄葬以儉安神可以為則秦  
昭始皇增山厚臧以侈生害足以為戒初陵之撫撫與模同  
宜從公卿大臣之議以息衆庶疏上成帝甚感向言而不從其計

極諫外家封事

時上無繼嗣政由王氏出災異浸甚向上封事極諫

臣聞人君莫不欲安然而常危莫不欲存然而常亡失  
御臣之術也夫大臣操權柄持國政未有不為害者也

雖離引古事而言  
理則晰毫解疑故  
爾卓犖不磨

昔晉有六卿

智伯范中行  
韓魏趙也

齊有田崔衛有孫甯魯有季

孟常掌國事世執朝柄終後田氏取齊六卿分晉崔杼

弑其君光孫林父甯殖出其君衍弑其君剽季氏八佾

舞於庭三家者以雍徹並專國政卒逐昭公周大夫尹

氏筦朝事

筦與  
管同

濁亂王室子朝子猛更立連年乃定故

經曰王室亂又曰尹氏殺王子克甚之也春秋舉成敗

錄禍福如此類甚衆皆陰盛而陽微下失臣道之所致

也故書曰臣之有作威作福害于而家凶于而國

周書  
洪範

荆川唐順之曰  
此等文字為忠

諫第一

也孔子曰祿去公室政逮大夫危亡之兆秦昭王舅穰

侯及涇陽葉陽君

皆昭王母之弟也穰侯魏冉也涇陽葉陽皆其弟○葉式涉反

專國

擅執上假太后之威三人者權重於昭王家富於秦國

國甚危殆賴寤范雎之言而秦復存二世委任趙高專

權自恣壅蔽大臣終有閭樂望夷之禍秦遂以亡近事

不遠即漢所代也漢興諸呂無道擅相尊王呂產呂祿

席太后之寵據將相之位兼南北軍之衆擁梁趙王之

尊驕盈無厭欲危劉氏賴忠正大臣絳侯朱虛侯等竭



次崖林希元曰  
此與前第一疏  
所言意同然前  
篇尚隱而未露  
至此則盡露矣  
其言憤激切當  
讀之可為酸鼻

誠盡節以誅滅之然後劉氏復安今王氏一姓乘朱輪

華轂者二十三人青紫貂蟬充盈幄內魚鱗左右

言在帝之

左右相次

大將軍秉事用權五侯驕奢僭盛並作威福

擊斷自恣行汙而寄治身私而託公依東宮之尊假甥

舅之親以為威重

東宮太后所居也

尚書九卿州牧郡守皆出

其門筦執樞機朋黨比周稱譽者登進忤恨者誅傷游

談者助之說執政者為之言排擯宗室孤弱公族其有

智能者尤非毀而不進遠絕宗室之任不令得給事朝

省恐其與已分權數稱燕王蓋主以疑上心

示宗室親近而反逆

也避諱呂霍而弗肯稱

呂后霍后二家皆坐僭擅誅滅故為王氏諱而不言也

內

有莞蔡之萌外假周公之論兄弟據重宗室磐互

磐結而交

互也

歷上古至秦漢外戚僭貴未有如王氏者也雖周皇

臣鴻緒曰向策王氏代漢言言符驗使帝能從之安有新室之難

甫秦穰侯漢武安呂霍上官之屬皆不及也

皇甫周卿士字也事

見小雅十月之交篇武安侯田蚡也

物盛必有非常之變先見為其人微

象孝昭帝時冠石立於泰山

冠山之下有石自立三石為一石在上故曰冠石

也

仆柳起於上林

其樹已死僵仆於地而更起生

而孝宣帝即位今王

臣英曰呂氏強則劉章作耕田歌王氏強則劉向上外家封事何漢宗室之多忠賢也劉章能制諸呂則以衆正在列劉向僅託諸空言則以孤忠無偶耳

氏先祖墳墓在濟南者其梓柱生枝葉扶疏上出屋根垂地中雖立石起柳無以過此之明也事執不兩大王氏與劉氏亦且不並立如下有泰山之安則上有累卵之危陛下為人子孫守持宗廟而令國祚移於外親降為阜隸縱不為身奈宗廟何婦人內夫家外父母家此亦非皇太后之福也孝宣皇帝不與舅平昌樂昌侯權平昌侯王無故所以全安之也夫明者起福於無形銷樂昌侯王武患於未然宜發明詔吐德音援近宗室親而納信黜遠

外戚毋授以政皆罷令就第以則效先帝之所行厚安  
外戚全其宗族誠東宮之意外家之福也王氏永存保  
其爵祿劉氏長安不失社稷所以褒睦外內之姓子子  
孫孫無疆之計也如不行此策田氏復見於今六卿必  
起於漢為後嗣憂昭昭甚明不可不深圖不可不早慮  
易曰君不密則失臣臣不密則失身幾事不密則害成  
上繫之  
辭也 唯陛下深畱聖思審固幾密覽往事之戒以折

中取信居萬安之實用保宗廟久承皇太后天下幸甚

當成帝時所急  
不在此然論自不  
可易

書奏天子召見向歎息悲傷其意謂曰  
君且休矣吾將思之以向為中壘校尉

定禮樂疏

成帝時犍為郡於水濱得古磬十六枚議者以為善祥劉向因是說上

宜興辟雍設庠序陳禮樂隆雅頌之聲盛揖讓之容以  
風化天下如此而不治者未之有也或曰不能具禮禮  
以養人為本如有過差是過而養人也刑罰之過或至  
死傷今之刑非臯陶之法也而有司請定法削則削筆  
則筆救時務也至於禮樂則曰不敢是敢於殺人不敢  
於養人也為其俎豆莞絃之間小不備因是絕而不為

致堂胡寅曰向之論美矣而未循其本也孔子曰人而不仁如禮樂何不仁之心非已有視聽舉廢皆迷其當而何以禮樂為哉惟仁所行皆禮而所安皆樂是則禮樂之本也庠序聲容特其具爾無其本而欲以其具教人祇益趣之於虛偽之域耳

是去小不備而就大不備大不備或莫甚焉夫教化之比於刑法刑法輕是舍所重而急所輕也且教化所恃以為治也刑法所以助治也今廢所恃而獨立其所助非所以致太平也自京師有諄逆不順之子孫至於陷大辟受刑戮者不絕繇不習五常之道也夫承千歲之衰周繼暴秦之餘敝民漸漬惡俗貪饕險詖不閑義理不示以大化而獨毆以刑罰終已不改故曰導之以禮樂而民和睦初叔孫通將制定禮儀見非於齊魯之士

然卒為漢儒宗業垂後嗣斯成法也

杜欽

字子夏南陽杜衍人好經書與茂陵杜鄴同姓字欽為大將軍軍武庫令

訟馮奉世疏

奉世以衛侯使持節送大宛諸國客以便宜發諸國兵討殺莎車王

威振西域不得封死後二年甘延壽以誅郅支單于封為列侯於是欽上疏追訟奉世前功

前莎車王殺漢使者約諸國背畔左將軍奉世以衛侯

便宜發兵誅莎車王策定城郭功施邊境

城郭者謂西域諸國為城

郭而議者以奉世奉使有指春秋之義亡遂事漢家之

大指與劉向訟甘延壽疏同略相似

法有矯制故不得侯今匈奴郅支單于殺漢使者亡保  
康居都護延壽發城郭兵屯田吏士四萬餘人以誅斬  
之封為列侯臣愚以為比罪則郅支薄量敵則莎車衆  
用師則奉世寡計勝則奉世為功於邊竟安慮敗則延  
壽為禍於國家深其違命而擅生事同延壽割地封而  
奉世獨不錄臣聞功同賞異則勞臣疑罪鈞刑殊則百  
姓惑疑生無常惑生不知所從亡常則節趨不立

趨謂  
意所

嚮不知所從則百姓無所措手足奉世圖難忘死信命



殊俗

圖難謀除國難也

成功白著為世使表

白著謂顯明也表猶首

獨抑

厭而不揚非聖主所以塞疑厲節之意也願下有司議

元帝以先帝

時事不復錄

翼奉

字少君東海下邳人治齊詩好律歷陰陽之占元帝時徵待詔後為諫大夫

應直言封事

時地震赦天下舉直言極諫之士奉奏封事

引經徵事標榜  
雕

臣聞之於師曰天地設位懸日月布星辰分陰陽定四時列五行以視聖人名之曰道聖人見道然後知王治之象故畫州土建君臣立律歷陳成敗以視賢者名之

曰經賢者見經然後知人道之務則詩書易春秋禮樂

是也易有陰陽詩有五際

詩內傳曰五際卯酉午戌亥也陰陽終始際會之歲於此

則有變改之政也

春秋有災異皆列終始推得失考天心以言

王道之安危至秦乃不說傷之以法是以大道不通至

於滅亡今陛下明聖深懷要道燭臨萬方布德流惠靡

有闕遺罷省不急之用振救困貧賦醫藥賜棺錢恩澤

甚厚又舉直言求過失盛德純備天下幸甚臣奉竊學

齊詩聞五際之要十月之交篇

小雅篇名也

知日蝕地震之

次崖林希元曰

災異之說專咎

王氏及後宮過

制切中膏肓始

可為忠臣其視

谷永媚王氏專

攻同姓及君身  
相去遠矣

槐野王維楨曰  
人氣內逆則感  
動天地此正天  
人交通之理奉

效昭然可明猶巢居知風穴處知雨亦不足多適所習  
耳臣聞人氣內逆則感動天地天變見於星氣日蝕地  
變見於奇物震動所以然者陽用其精陰用其形猶人  
之有五藏六體五藏象天六體象地故藏病則氣色發  
於面體病則欠申動於貌今年太陰建於甲戌律以庚  
寅初用事歷以甲午從春太陰在甲戌則太歲在子十  
一月庚寅日黃鍾律初起用  
也歷中甲庚律得參陽性中仁義情得公正貞廉甲庚  
皆三  
陽甲在東方為仁庚在西方  
為義戌為公正寅午為廉貞  
百年之精歲也正以精歲

所獨見者也

本以王位

春也

日臨終時接律而地大震其後連月久陰

雖有大令猶不能復

大令謂虛倉廩開府庫之屬也復補也

陰氣盛矣古

者朝廷必有同姓以明親親必有異姓以明賢賢此聖王之所以大通天下也同姓親而易進異姓疏而難通故同姓一異姓五廼為平均今左右亡同姓獨以舅后之家為親異姓之臣又疏二后之黨滿朝非特處位執尤奢僭過度呂霍上官足以卜之甚非愛人之道又非後嗣之長策也陰氣之盛不亦宜乎臣又聞未央建章

臣杜訥曰切實指陳皆中情事視谷永杜鄴諸書便有忠佞之

甘泉宮才人各以百數皆不得天性若杜陵園其已御  
見者臣子不敢有言雖然太皇太后之事也及諸侯王  
園與其後宮宜為設負出其過制者此損陰氣應天救  
邪之道也今異至不應災將隨之其法大水極陰生陽  
反為大旱甚則有火災春秋宋伯姬是矣

伯姬魯成公女宋恭公夫

人唯陛下財察

明年夏四月乙未  
孝武園白鶴館災

薛宣

字贛君東海郯人成帝  
時為丞相封高陽侯

申勅刺史疏

時成帝初即位宣為中丞  
執法殿中外總部刺史

刺史外吏之表率  
也宣言於是乎得  
要領矣

陛下至德仁厚哀閔元元躬有日仄之勞而亡佚豫之  
樂允執聖道刑罰惟中然而嘉氣尚凝陰陽不和是臣  
下未稱而聖化獨有不洽者也臣竊伏思其一端殆吏  
多苛政政教煩碎大率咎在部刺史或不循守條職

刺史

所察本有六條今則踰越故事信意舉劾妄為苛刻也

舉錯各以其意多與郡縣

事至開私門聽讒佞以求吏民過失譴呵及細微責義

不量力

言求備於人

郡縣相迫促亦內相刻流則衆庶是故

鄉黨闕於嘉賓之懽九族忘其親親之恩飲食周急之

厚彌衰送往勞來之禮不行夫人道不通則陰陽否隔  
和氣不興未必不由此也詩云民之失德乾餱以愆雅小  
伐木鄙語曰苛政不親煩苦傷恩方刺史奏事時宜明  
申勅使昭然知本朝之要務臣愚不知治道唯明主察  
焉

王尊

字子贛涿郡高陽人官終東郡太守

敕掾功曹教

尊為安定太守出教告屬縣又出教敕掾功曹

掾功曹各自底厲助太守為治其不中用趣自避退毋

鷹鷂之志見乎行  
墨

荆川唐順之曰  
大率尊剛勁侃  
毅人於此可見

久妨賢夫羽翮不修則不可以致千里闌內不理無以

整外

○闌門櫪也  
魚烈反

府丞悉署吏行能分別白之賢為上毋

以富賈人百萬不足與計事昔孔子治魯七日誅少正

卯今太守視事已一月矣五官掾張輔懷虎狼之心貪

汙不軌一郡之錢盡入輔家然適足以葬矣今將輔送

獄直符史詣閣下從太守受其事

直符史若今之  
當直佐史也

丞戒

之戒之相隨入獄矣

劾匡衡張譚奏

衡譚皆畏事石顯成帝初即位  
顯徙為中太僕不復典權衡譚



尊為司隸在孝元  
時適當顯顯權衡  
譚比附之際而寢  
默不言此時成帝  
即位顯已提官尊  
劾雖當惜其稍晚

乃奏顯舊惡請免  
顯等尊於是劾奏

丞相衡御史大夫譚位三公典五常九德

九德見  
臯陶謨

以總

方畧壹統類廣教化美風俗為職知中書謁者令顯等  
專權擅執大作威福縱恣不制無所畏忌為海內患害  
不以時白奏行罰而阿諛曲從附下罔上懷邪迷國無  
大臣輔政之義皆不道在赦令前赦後衡譚舉奏顯不  
自陳不忠之罪而反揚著先帝任用傾覆之徒妄言百  
官畏之甚於主上卑君尊臣非所宜稱失大臣體又正

月行幸曲臺臨饗罷衛士

諸衛士更盡得代去故天子自臨而饗之

衡與中

二千石大鴻臚賞等會坐殿門下衡南鄉賞等西鄉衡

更為賞布東鄉席起立延賞坐私語如食頃衡知行臨

臣熙曰追論前

天子當臨饗士時

百官共職萬衆會聚而設不正之席使下坐

情狀老筆紛披文亦波峭

上相比為小惠於公門之下動不中禮亂朝廷爵秩之

位衡又使官大奴入殿中間行起居還言漏上十四刻

行臨到衡安坐不變色改容無怵惕肅敬之心驕慢不

謹皆不敬

有詔勿治於是衡慙懼免冠謝罪

先歷舉尊之功狀  
次言被劾之由別  
白是非條理秩秩  
足令忠臣吐氣護  
人戢志

公乘興 湖三老

訟王尊書

尊為京兆尹坐事免吏民多稱惜之  
公乘興等上書訟尊治京兆功效

往者南山盜賊阻山橫行剽劫良民殺奉法吏道路不  
通城門至以警戒步兵校尉使逐捕暴師露衆曠日煩  
費不能禽制二卿坐黜 三輔皆秩中二千石號為卿也  
即京兆王昌貶為雁門太守甄  
導河內 羣盜竊彊吏氣傷沮流聞四方為國家憂當此  
太守也

之時有能捕斬不愛金爵重賞關內侯寬中使問所徵  
故司隸校尉王尊捕羣盜方畧拜為諫大夫守京輔都

尉行京兆尹事尊盡節勞心夙夜思職卑體下士厲奔  
北之吏起沮傷之氣二旬之間大黨震壞渠率效首賊  
亂蠲除民反農業拊循貧弱鉏耰豪強長安宿豪大猾  
東市賈萬城西萬章箭張禁酒趙放

箭張禁酒趙放此  
二人作箭作酒之

家○萬  
音矩

杜陵楊章等皆通邪結黨挾養姦軌上千王法

下亂吏治并兼役使侵漁小民為百姓豺狼更數二千  
石二十年莫能禽討尊以正法案誅皆伏其辜姦邪銷  
釋吏民說服尊撥劇整亂誅暴禁邪皆前所稀有名將

臣正治曰漢世  
三老數上書其  
詞皆美蓋其時  
風俗樸茂閭里  
之間尚有直道  
可採如此

所不及雖拜為真未有殊絕褒賞加於尊身今御史大

夫奏尊傷害陰陽為國家憂無承用詔書之意靖言庸

違象恭滔天

引虞書堯  
典之辭

原其所以出御史丞楊輔故為

尊書佐素行陰賊惡口不信

謂其口惡而  
心不信也

好以刀筆陷

人於法輔常醉過尊大奴利家利家梓搏其頰

梓持頭  
也○才

反兀兄子閔拔刀欲剄之輔以故深怨疾毒欲傷害尊疑

輔內懷怨恨外依公事建畫為此議傳致奏文浸潤加

誣以復私怨昔白起為秦將東破韓魏南拔郢都應侯

臣德宜曰疇咨  
黜陟國之大典  
後世毀譽不稽  
諸實事而人品  
遂無定評如王  
尊之乍賢乍佞  
宜為湖三老所  
訟也

譖之賜死杜郵吳起為魏守西河而秦韓不敢犯讒人  
間焉斥逐奔楚秦聽浸潤以誅良將魏信讒言以逐賢  
守此皆偏聽不聰失人之患也臣等竊痛傷尊修身絜  
已砥節首公刺譏不憚將相誅惡不避豪彊誅不制之  
賊解國家之憂功著職修威信不廢誠國家爪牙之吏  
折衝之臣今一旦無辜制於仇人之手傷於詆欺之文  
上不得以功除罪下不得蒙棘木之聽周禮三槐九棘  
公卿於下聽訟  
獨掩怨讎之偏奏猥被共工之大惡無所陳怨愬罪尊

臣廷敬曰尊之  
治跡畧盡此書  
漢世重三老故  
所言多可採者

以京師廢亂羣盜並興選賢徵用起家為卿賊亂既除

豪猾伏辜即以佞巧廢黜一尊之身三期之間乍賢乍

佞豈不甚哉

期年也

孔子曰愛之欲其生惡之欲其死是

惑也浸潤之譖不行焉可謂明矣願下公卿大夫博士

議郎定尊素行夫人臣而傷害陰陽死誅之罪也靖言

庸違放殛之刑也審如御史章尊乃當伏觀闕之誅

孔子

誅少正卯於

兩觀之間放於無人之域不得苟免及任舉尊者當

獲選舉之辜不可但已即不如章飾文深詆以愬無罪

亦宜有誅以懲讒賊之口絕詐欺之路唯明主參詳使

白黑分別

書奏天子復以尊為徐州刺史遷東郡太守

劉輔

河間宗室為諫大夫

諫立趙婕妤疏

成帝欲立趙婕妤為皇后輔上疏

妃匹人倫之始王化所從出也自非有德之世不可以奉神靈之統而樹官壺之儀成帝於是乎失德矣

臣聞天之所與必先賜以符瑞天之所違必先降以災變此神明之徵應自然之占驗也昔武王周公承順天地以饗魚鳥之瑞

謂伐紂時有白魚赤鳥之瑞也

然猶君臣祇懼動色

相戒況於季世不蒙繼嗣之福屢受威怒之異者乎雖



臣乾學曰在易  
家人言王假有  
家而必本於女  
貞之吉自古興  
王之基罔不由  
此河間言人所  
難言不媿親賢  
矣

夙夜自責改過易行畏天命念祖業妙選有德之世考  
卜窈窕之女以承宗廟順神祇心塞天下望子孫之祥  
猶恐晚暮今乃觸情縱欲傾於卑賤之女欲以母天下  
不畏於天不媿於人惑莫大焉里語曰腐木不可以為  
柱卑人不可以為主天人之所不予必有禍而無福市  
道皆共知之朝廷莫肯壹言臣竊傷心自念得以同姓  
拔擢尸祿不忠污辱諫爭之官不敢不盡死唯陛下深  
察

谷永

字子雲長安人  
歷官大司農

祭祀方術奏

成帝末年頗好鬼神上書言祭祀方術者皆得待詔永因上奏

窮極方士情態可  
以正人心維風教

臣聞明於天地之性不可惑以神怪知萬物之情不可

罔以非類諸背仁義之正道不遵五經之法言而盛稱

奇怪鬼神廣崇祭祀之方求報無福之祠及言世有僊

人服食不終之藥造興輕舉

造古遙字遠也興起也

登遐倒景

在日

月之上反從下照故其景倒

覽觀縣圃浮游蓬萊

崑崙九成土有縣圃縣圃之上即閭

闔天

耕耘五德朝種暮穫

翼氏風角五德東方甲南方丙西方庚北方壬中央戊種

五色禾於此  
地而耕耘也

與山石無極

言獲長壽比於山石無窮也

黃治變化

黃者

鑄黃金也道家言治丹砂

堅冰淖溺

方士詐以藥石若陷冰丸投之水上

令變化可鑄作黃金也

冰即消因假為神仙道使然也○淖女教反

化色五倉之術

思身中有五色腹中有五倉神

五色存則不死五倉存則不饑

皆姦人惑衆挾左道懷詐偽以欺罔世

主聽其言洋洋滿耳若將可遇求之盪盪如係風捕景

終不可得是以明王距而不聽聖人絕而不語昔周史

萇弘欲以鬼神之術輔尊靈王會朝諸侯而周室愈微

諸侯愈叛楚懷王隆祭祀事鬼神欲以獲福助卻秦師

西山真德秀曰  
永發端數語可  
謂知道之格言  
以永之學術議

論倘能一心帝  
室而不私黨王  
氏雖劉向不及  
大節既虧他美  
不贖惜哉

而兵挫地削身辱國危秦始皇初并天下甘心於神僊  
之道遣徐福韓終之屬多齎童男童女入海求神采藥  
因逃不還天下怨恨漢興新垣平齊人少翁公孫卿樂  
大等皆以僊人黃冶祭祠事鬼使物入海求僊采藥貴  
幸賞賜累千金大尤尊盛至妻公主爵位重系震動海  
內元鼎元封之際燕齊之間方士瞋目扼腕言有神僊  
祭祀致福之術者以萬數其後平等皆以術窮詐得誅  
夷伏辜至初元中有天淵玉女鉅鹿神人轅陽侯師張

宗之姦紛紛復起

轅陽侯江仁也元帝時坐使家丞上印綬隨宗學僊免官○轅音遼夫

周秦之末三五之隆已嘗專意散財厚爵祿竦精神舉

天下以求之矣曠日經年靡有毫釐之驗足以揆今經

曰享多儀儀不及物惟曰不享論語說曰子不語怪神

唯陛下距絕此類毋令姦人有以窺朝者

永數上封事尤善言災異

然專攻上身與後宮而黨於王氏杜欽杜鄴對策亦然俱無取焉獨此篇與訟陳湯疏持論甚正錄之

訟陳湯疏

成帝初匡衡奏湯奉使時盜康居財物坐免後湯上書言康居王侍子非

王子也按驗實王子

下獄當死永上疏

儼刻之筆書則至  
之情結構最勝

仲任王充曰劉  
向之切諫谷永  
之上疏豈徒雕  
文飾詞苟為華

臣聞楚有子玉得臣文公為之仄席而坐

事詳左傳

趙有廉

頗馬服彊秦不敢窺兵井陘

廉頗馬服君趙奢趙將也井陘之口趙之西界山險

道也近漢有邳都魏尚匈奴不敢南鄉沙幕由是言之戰

克之將國之爪牙不可不重也蓋君子聞鼓鼙之聲則

思將率之臣

樂記曰君子聽鼓鼙之聲則思將率之臣

竊見關內侯陳湯前

使副西域都護忿邳支之無道閔王誅之不加策慮愒

億義勇奮發

愒億憤怒之貌愒皮逼反

卒興師奔逝橫厲烏孫踰

集都賴

踰遠也遠集邳支都賴水上也踰讀曰遙

屠三重城斬邳支首報十

葉之言哉猶誠  
由中故其文語  
感動人深耳

臣英曰前博引  
典故至結束處

年之逋誅雪邊吏之宿耻威震百蠻武暢西海漢元以  
來征伐方外之將未嘗有也今湯坐言事非是幽囚久  
繫歷時不決執憲之吏欲致之大辟昔白起為秦將南  
拔郢都北阬趙括以纖介之過賜死杜郵在咸陽西秦民憐  
之莫不隕涕今湯親秉鉞席卷喋血萬里之外薦功祖  
廟告類上帝介冑之士靡不慕義以言事為罪無赫赫  
之惡周書曰記人之功忘人之過宜為君者也尚書之外逸書

也夫犬馬有勞於人尚加帷蓋之報

禮記稱孔子云敝  
幃弗棄為羶馬也

皆收攝入正意  
文勢益振兩漢  
封事多用此法

敞蓋弗棄况國之功臣者哉竊恐陛下忽於鼓輦之聲  
為獐狗也  
不察周書之意而忘帷蓋之施庸臣遇湯卒從吏議使  
百姓介然有秦民之恨非所以厲死難之臣也  
書奏天  
子出湯  
奪爵為  
士伍

梅福

字子真九江壽春人為南昌尉後去官居家  
以讀書養性為事至王莽顯政一朝棄妻子

去九江人傳以為仙後有見福於  
會稽者變名姓為吳市門卒云

言王氏書

時成帝委任大將軍王鳳鳳專執擅  
朝而京兆尹王章素忠直譏刺鳳為

鳳所誅王氏浸盛災異數見  
羣下莫敢正言福乃上書



序言王氏如此切  
直谷永輩見之能  
無慙色

臣聞箕子佯狂於殷而為周陳洪範叔孫通遁秦歸漢  
制作儀品夫叔孫先非不忠也箕子非疏其家而畔親  
也不可為言也昔高祖納善若不及從諫若轉圜聽言  
不求其能舉功不考其素陳平起於亡命而為謀主韓  
信拔於行陳而建上將故天下之士雲合歸漢爭進奇  
異知者竭其策愚者盡其慮勇士極其節怯夫勉其死  
合天下之知并天下之威是以舉秦如鴻毛取楚若拾  
遺此高祖所以亡敵於天下也孝文皇帝起於代谷非

有周召之師伊呂之佐也循高祖之法加以恭儉當此之時天下幾乎繇是言之循高祖之法則治不循則亂何者秦為亡道削仲尼之迹滅周公之軌壞井田除五等禮廢樂崩王道不通故欲行王道者莫能致其功也孝武皇帝好忠諫說至言出爵不待廉茂慶賜不須顯功是以天下布衣各厲志竭精以赴闕廷自銜鬻者不可勝數漢家得賢於此為盛使孝武皇帝聽用其計升平可致於是積尸暴骨快心胡越故淮南王安緣間而

次崖林希元曰此書只把高祖武帝事來議論近而不遠切而不浮忠而不激可謂善立言矣故雖觸時諱而不賈禍西漢之末有士如梅生公卿有觀面目矣

起所以計慮不成而謀議泄者以衆賢聚於本朝故其

大臣執陵不敢和從也

臣執陵君也謂淮南大臣相內史之屬

方今布衣

廼窺國家之隙見間而起者蜀郡是也

成帝鴻嘉中廣漢男子鄭躬等

反是及山陽亡徒蘇令之羣蹈藉名都大郡求黨與索

隨和

求索與已和及隨已者

而亡逃匿之意此皆輕量大臣亡所

畏忌國家之權輕故匹夫欲與上爭衡也士者國之重

器得士則重失士則輕詩云濟濟多士文王以寧

大雅文王

之廟堂之議非草茅所當言也臣誠恐身塗野草尸并

卒伍故數上書求見輒報罷臣聞齊桓之時有以九九

見者桓公不逆欲以致大也

九九算書若今九章五曹之輩

今臣所言

非特九九也陛下距臣者三矣此天下士所以不至也

昔秦武王好力任鄙叩關自鬻

秦武王孝公之孫惠文王之子也任鄙力士也

繆公行伯繇余歸德今欲致天下之士民有上書求見

者輒使詣尚書問其所言言可采取者秩以升斗之祿

賜以一束之帛若此則天下之士發憤懣吐忠言嘉謀

日聞於上天下條貫國家表裏爛然可睹矣夫以四海

東發黃裳曰福  
猷畝不忘君賊  
莽僭竊則一旦  
飄然遠去賢於  
揚子雲諸人遠  
矣

之廣士民之數能言之類至衆多也然其雋桀指世陳  
政言成文章質之先聖而不繆施之當世合時務若此  
者亦亡幾人故爵祿束帛者天下之底石高祖所以厲  
世摩鈍也孔子曰工欲善其事必先利其器至秦則不  
然張誹謗之罔以為漢毆除倒持泰阿授楚其柄太阿劍名  
歐冶所鑄也故誠能勿失其柄天下雖有不順莫敢觸其鋒  
此孝武皇帝所以辟地建功為漢世宗也今不循伯者  
之道廼欲以三代選舉之法取當時之士猶察伯樂之

漢求騏驎於市而不可得亦已明矣故高祖棄陳平之  
過而獲其謀晉文召天王齊桓用其讎亡益於時不顧  
遠近此所謂伯道者也一色成體謂之純白黑雜合謂  
之駁欲以承平之法治暴秦之緒猶以鄉飲酒之禮理  
軍容也今陛下既不納天下之言又加戮焉夫戴鵲遭  
害死仁鳥增逝戴鵲也仁鳥鸞鳳也○戴音緣愚者蒙戮則知士深退  
賢者隱民上疏多觸不急之法或下廷尉而死者衆自  
陽朔以來天下以言為諱朝廷尤甚羣臣皆承順上指

臣士奇曰劉向之言王氏也直梅福之言王氏也婉踈遠之臣不敢輒盡其辭第欲開廣言路樹人主之威而折王氏之勢福之用意微而苦矣

莫有執正何以明其然也取民所上書陛下之所善試下之廷尉廷尉必曰非所宜言大不敬以此卜之一矣故京兆尹王章資質忠直敢面引廷爭孝元皇帝擢之以厲具臣而矯曲朝及至陛下戮及妻子且惡惡止其身王章非有反畔之辜而殃及家折直士之節結諫臣之舌羣臣皆知其非然不敢爭天下以言為戒最國家之大患也願陛下循高祖之軌杜亡秦之路數御十月之歌

福譏切王氏十月之詩刺后族太盛也小雅十月之交篇也

畱意亡逸之戒

周書

篇名除不急之法下亡諱之詔博覽兼聽謀及疏賤令深

者不隱遠者不塞所謂辟四門明四目也且不急之法

誹謗之微者也往者不可及來者猶可追方今君命犯

而主威奪

君命犯者謂大臣犯君之命

外戚之權日以益隆陛下不

見其形願察其景建始以來日食地震以率言之三倍

春秋水災亡與比數陰盛陽微金鐵為飛此何景也

河平

二年沛郡缺官鑄缺如星飛權臣用事之異也

漢興以來社稷三危呂霍上官

皆母后之家也親親之道全之為右當與之賢師良傳



意主尊禮尼山而  
以繼嗣為言辭復  
整言動

教以忠孝之道今廼尊寵其位授以魁柄

以斗為喻也  
斗身為魁

使之驕逆至於夷滅此失親親之大者也自霍光之賢  
不能為子孫慮故權臣易世則危書曰毋若火始燄燄  
周書洛誥之辭執陵於君權隆於主然後防之亦亡及已

請封孔子世為殷後書

成帝久無繼嗣福以為  
宜建三統封孔子之世

以為  
殷後

臣聞不在其位不謀其政政者職也位卑而言高者罪  
也越職觸罪危言世患雖伏質橫分臣之願也守職不

言沒齒身全死之日尸未腐而名滅雖有景公之位伏

歷千馬

歷與  
捭同

臣不貪也故願壹登文石之陛涉赤墀之

塗當戶牖之法坐

戶牖之間謂之扆也法  
坐正坐也聽朝之處

盡平生之愚

慮亡益於時有遺於世此臣寢所以不安食所以忘味

也願陛下深省臣言臣聞存人所以自立也壅人所以

自塞也善惡之報各如其事昔者秦滅二周夷六國隱

士不顯佚民不舉絕三統滅天道是以身危子殺厥孫

不嗣所謂壅人以自塞者也故武王克殷未下車存五

臣杜訥曰表彰  
先聖可謂功臣

帝之後封殷於宋紹夏於杞明著三統示不獨有也是  
以姬姓半天下遷廟之主流出於戶

言其多

所謂存人自

立者也今成湯不祀殷人亡後陛下繼嗣久微殆為此  
也春秋經曰宋殺其大夫穀梁傳曰其不稱名姓以其  
在祖位尊之也

事在僖二十五年穀梁所云在祖位者謂孔子本宋孔父之後防叔奔魯遂為

魯人今宋所殺者亦孔父之後畱在宋者於孔子為祖列故尊而不名也此言孔子故殷後

也雖不正統封其子孫以為殷後禮亦宜之何者諸侯

奪宗聖庶奪嫡

奪宗始封之君尊為諸侯則奪其舊為宗子之事也奪適文王舍伯邑考而立

武王是也孔子傳曰賢者子孫宜有土而況聖人又殷雖庶可為殷後

後哉昔成王以諸侯禮葬周公而皇天動威雷風著災

今仲尼之廟不出闕里孔氏子孫不免編戶以聖人而

歆匹夫之祀非皇天之意也今陛下誠能據仲尼之素

功以封其子孫

素功素王之功也穀梁傳曰孔子素王

則國家必獲其福

又陛下之名與天亡極何者追聖人素功封其子孫未

有法也後聖必以為則不滅之名可不勉哉


成帝綏和元年立二

王後遂下詔封孔子世為殷紹嘉公





御選古文淵鑒卷十五



總校官庶吉士 臣張能照

校對官助教 臣汪錫魁

謄錄監生 臣沈浩

欽定四庫全書叢要

集部

御選古文淵鑒卷十六



欽定四庫全書舊要

御選古文淵鑒卷十六目錄

漢

雜錄  
行

上書辨明家語

耿育

訟陳湯書

王嘉

請重二千石疏

遣將行邊對

日食論董賢奏

再論董賢奏

母將隆

諫賜武庫兵器奏

師丹

定陶共皇立廟議

李尋

災異對

鮑宣

諫寵外親幸臣書

論董賢書

楊雄

諫不受單于朝書

劉歆

卷十六 目錄  
毀廟議

賈讓太常博士書

賈讓

治河奏

御選古文淵鑒卷十六目錄

欽定四庫全書薈要卷一萬七千一百六十九

集部

御選古文淵鑒卷十六

內閣學士兼禮部侍郎教習庶吉士臣徐乾學等奉

旨編注

漢

孔衍

孔安國孫  
為博士

上書辨明家語

初撰次孔子家語為四十四篇  
值巫蠱事不行後成帝詔劉向

較定衆書都紀錄名古今文  
書論語別錄衍上書辨之

家語真孔氏書與  
孔叢自別得博士  
言更足據正矣

臣聞明王不掩人之功大聖不遺人之善所以能明聖  
也陛下發明詔詔羣儒集天下書籍無言不悉命通才  
大夫較定其義使遐載之文以大著於今日立言之士  
垂於不朽此則蹈明王之軌遵大聖之風者也雖唐帝  
之煥然周王之或或未若斯之極也故述作之士莫不  
樂測大倫焉臣祖故臨淮太守安國逮仕於孝武皇帝  
之世以經學為名以儒雅為官讚明道義見稱前朝時  
魯恭王壞孔子故宅得古文科斗尚書孝經論語世人

臣熙曰表章家  
學不難自言文  
氣恢闊筆極矯  
健

莫有能言者安國為改今文讀而訓傳其義又撰次孔  
子家語既畢會值平蠱事起遂閣廢不行於時然其典  
雅正實與世相傳者不可同日而論也光祿大夫向以  
為時所未施之故尚書則不紀於別錄論語則不使名  
家也臣竊惜之且百家章句無不畢紀況孔子家古文  
正實而疑之哉又戴聖皆近世小儒以禮記不足而乃  
取孔子家語雜亂者及子思孟軻荀卿之書以裨益之  
總名之曰禮記今向見其已在禮記者則便除家語之

本篇是謂滅其源而存其末也不亦難乎臣之愚以為  
宜如此為例皆記錄別見故敢冒昧以聞奏上天子許之未即論定  
而向病亡  
遂不果立

耿育

成帝時  
議郎

訟陳湯書

湯與將作大匠解萬年建議起昌陵  
邑坐下獄徙邊育因上書冤訟湯

湯即不侯有此一  
書可以無憾

延壽湯為聖漢揚鈞深致遠之威雪國家累年之恥討  
絕域不羈之君係萬里難制之虜豈有比哉先帝嘉之  
仍下明詔宣著其功改年垂歷傳之無窮

謂改年為應  
竟寧也



鹿門茅坤曰論  
文不如向永然  
亦可見古人材  
指不同

臣正治曰不賞  
邊功匡衡亦非  
無見而劉向賦  
肯董壘繫上書  
其言割孽能令  
湯與延壽心折

是南郡獻白虎邊陲無警備會先帝寢疾然猶垂意不  
忘數使尚書責問丞相趣立其功獨丞相匡衡排而不  
予封延壽湯數百戶此功臣戰士所以失望也孝成皇  
帝承建業之基乘征伐之威兵革不動國家無事而大  
臣傾邪讒佞在朝曾不深惟本末之難以防未然之戒  
欲專主威排妒有功使湯塊然塊然獨處之被冤拘囚  
不能自明卒以無罪老棄敦煌正當西域通道令威名  
折衝之臣旋踵及身復為郅支遺虜所笑誠可悲也至

臣鴻緒曰向書  
與切永書條毫  
育書更覺抑揚  
感慨動人聽聞

今奉使外蠻者未嘗不陳郵支之誅以揚漢國之盛夫  
援人之功以懼敵棄人之身以快讒豈不痛哉且安不  
忘危盛必慮衰今國家素無文帝累年節儉富饒之畜  
又無武帝薦延臬俊禽敵之臣

薦延使羣臣薦  
士而延納之

獨有一

陳湯耳假使異世不及陛下尚望國家追錄其功封表  
其墓以勸後進也湯幸得身當聖世功曾未久反聽邪  
臣鞭逐斥遠使亡逃分竄死無處所

分謂散離也虞書  
舜典曰分北三苗

遠覽之士莫不計度以為湯功累世不可及而湯過人

濶畧細故勿數改  
易皆深達治體之  
言然須慎簡其人  
乃有實效

情所有湯尚如此雖復破絕筋骨暴露形骸猶復制於  
脣舌為嫉妒之臣所係虜耳此臣所以為國家尤戚戚

也書奏天子還湯卒于長安按劉向谷永與育先  
後上書寬訟湯持論措辭各極體致故俱錄之

王嘉

字公仲平陵人為丞相封新甫侯  
剛直嚴毅數諫爭後下獄不食死

請重二千石疏

臣聞聖王之功在於得人孔子曰材難不其然與故繼  
世立諸侯象賢也雖不能盡賢天子為擇臣立命卿以  
輔之居是國也累世尊重然後士民之衆附焉是以教

迂齋樓昉曰論  
事深切達於世  
變西漢末文字  
惟梅福王嘉書  
最好亦可以見  
漢家故事

臣德宜曰慎擇  
而不拘以資久  
任而復寬其法  
所以重二千石  
備矣然有漢宣  
之勵精而後有  
潁川渤海之政  
則未率斷自上

化行而治功立今之郡守重於古諸侯往者致選賢材

賢材難得拔擢可用者或起於囚徒昔魏尚坐事繫文

帝感馮唐之言遣使持節赦其臯拜為雲中太守匈奴

忌之武帝擢韓安國於徒中拜為梁內史骨肉以安

言梁

孝王得免罪也張敞為京兆尹有罪當免黠吏知而犯敞敞收

殺之其家自寬使者覆獄劾敞賊殺人上逮捕不下

言使

者上奏請逮捕敞而會免亡命數十日宣帝徵敞拜為

天子不下其事也

冀州刺史卒獲其用前世非私此三人貪其材器有益

也

臣廷敬曰必畜  
養成就乃能尊  
重難危兩意互  
見

臣乾學曰郡守  
權輕不能使下  
由於科條繁密  
告訐無禁嘉所  
為鯁鯁言之也  
謂宜法古慶讓  
之意弘其大綱  
不苛細故苟激

於公家也孝文時吏居官者或長子孫以官為氏倉氏

庫氏則倉庫吏之後也其二千石長吏亦安官樂職然

後上下相望莫有苟且之意其後稍稍變易公卿以下

傳相促急又數改更政事司隸部刺史察過悉劾發揚

陰私吏或居官數月而退送故迎新交錯道路中材苟

容求全下材懷危內顧壹切營私者多二千石益輕賤

吏民慢易之或持其微過增加成臯言於刺史司隸或

至上書章下

依其所上之章而下令治之

衆庶知其易危小失意則

勸有方則循良  
自出斯真治平  
之善術乎

有離畔之心前山陽亡徒蘇令等從橫吏士臨難莫肯

仗節死義以守相威權素奪也孝成皇帝悔之下詔書

二千石不為縱

二千石不以故縱為罪所以優也

遣使者賜金尉厚其

意誠以為國家有急取辦於二千石二千石尊重難危

乃能使下孝宣皇帝愛其良民吏

良民吏善治百姓者

有章効事

畱中會赦壹解故事尚書希下章為煩擾百姓證驗繫

治或死獄中章文必有敢告之字廼下

所以丁寧告者之辭絕其相誣

也唯陛下畱神於擇賢記善忘過容忍臣子勿責以備

二千石部刺史三輔縣令有材任職者人情不能不有  
過差宜可開畧令盡力者有所勸此方今急務國家之  
利也前蘇令發謂蘇令等初發起為盜賊欲遣大夫使逐問狀時見  
大夫無可使者召蓋屋令尹逢拜為諫大夫遣之今諸  
大夫有材能者甚少宜豫畜養可成就者則士赴難不  
愛其死臨事倉卒乃求非所以明朝廷也嘉因薦儒者公孫光滿昌  
及能吏蕭咸薛修等皆故二  
千石有名稱天子納而用之

遣將行邊對

息夫躬請遣大將軍行邊兵勅武備斬一郡守以立威震四夷因以

厭應變異上然之以  
問丞相嘉嘉因對云

動民以行應天以  
實聖人復起無以  
易此兩言

臣聞動民以行不以言應天以實不以文下民微細猶  
不可詐況於上天神明而可欺哉天之見異所以敕戒  
人君欲令覺悟反正推誠行善民心說而天意得矣辯  
士見一端或妄以意傳著星歷虛造匈奴烏孫西羗之  
難謀動干戈設為權變非應天之道也守相有罪車馳  
詣闕交臂就死恐懼如此而談說者云動安之危辯口  
快耳其實未可從夫議政者苦其譎諛傾險辯慧深刻



論自與微意亦懷  
到

也調諛則主德毀傾險則下怨恨辯慧則破正道深刻  
則傷恩惠昔秦穆公不從百里奚蹇叔之言以敗其師  
悔過自責疾誑誤之臣思黃髮之言名垂於後世唯陛  
下觀覽古戒反覆參考無以先入之語為主

日食論董賢奏

時日食舉直  
言嘉奏封事

臣聞咎繇戒帝舜曰亡教佚欲有國兢兢業業一日二  
日萬幾箕子戒武王曰臣無有作威作福無有玉食臣  
之有作威作福玉食害于而家凶于而國人用側頗辟

民用僭慝言如此則逆尊卑之序亂陰陽之統而害及王者其國極危國人傾仄不正民用僭差不壹此君不由法度上下失序之敗也武王躬履此道隆至成康自是以後縱心恣欲法度陵遲至於臣弑君子弑父父子至親失禮患生何況異姓之臣孔子曰道千乘之國敬事而信節用而愛人使民以時孝文皇帝備行此道海內蒙恩為漢太宗孝宣皇帝賞罰信明施與有節記人之功忽於小過以致治平孝元皇帝奉承大業溫恭少

欲都內錢四十萬萬水衡錢二十五萬萬少府錢十八萬萬嘗幸上林後宮馮貴人從臨獸圈猛獸驚出貴人前當之元帝嘉美其義賜錢五萬掖庭見親有加賞賜屬其人勿衆謝示平惡偏重失人心賞賜節約是時外戚貴千萬者少耳故少府水衡見錢多也雖遭初元永光凶年饑饉加有西羌之變外奉師旅內振貧民終無傾危之憂以府臧內充實也孝成皇帝時諫臣多言燕出之害燕出謂微行也及女寵專愛耽於酒色損德傷年其言

甚切然終不怨怒也寵臣淳于長張放史育育數貶退

家貨不滿千萬放斥逐就國長榜死于獄榜笞擊也不

音彭

以私愛害公義故雖多內譏朝廷安平傳業陛下陛下

在國之時好詩書上儉節徵來所過道上稱誦德美此

天下所以回心也初即位易帷帳去錦繡乘輿席緣綈

繒而已共皇寢廟比比當作恭皇哀帝父定陶恭皇憂

也比比猶云頻頻也

閔元元惟用度不足惟思以義割恩輒且止息今始作

也

治而駙馬都尉董賢亦起官寺上林中又為賢治大第

開門鄉北闕引王渠灌園池

渠名也在城東覆盎門外

使者護作賞

賜吏卒甚於治宗廟賢母病長安厨給祠具

長安有厨官主為官

食道中過者皆飲食為賢治器器成奏御迺行或物好

特賜其工自貢獻宗廟三宮猶不至此

三宮天子太后皇后

賢家

有賓婚及見親諸官並共

見親親戚相見也並供言百官各以所掌事及財物就供

之○共賜及倉頭奴婢人十萬錢使者護視發取市物

百賈震動道路謹譁羣臣惶惑詔書罷苑而以賜賢二

千餘頃均田之制從此墮壞

自公卿以下至于吏民名日均田皆有頃數以品制

水心葉適曰慎  
已之所獨鄉察  
衆人之所共競  
可謂名言矣洪  
人之能言者往  
往不及也觀其  
明當治體察情  
人材使其遇時  
親丙何足道自  
當為漢世宰相  
第一

臣英曰論重賢  
事極詳盡愛之

中令均等苑古苑字奢僭放縱變亂陰陽災異衆多百姓訛言持

籌相驚

言行西王母籌也

被髮徒跣而走乘馬者馳天惑其意

不能自止或以為籌者策失之戒也陛下素仁智慎事

今而有此大譏孔子曰危而不持顛而不扶則將安用

彼相矣臣嘉幸得備位竊內悲傷不能通愚忠之信身

死有益於國不敢自惜唯陛下慎已之所獨鄉察衆人

之所共疑往者寵臣鄧通韓嫣

嫣音偃

驕貴失度逆豫無

厭小人不勝情欲卒陷罪辜亂國亡軀不終其祿所謂

適足以害之達  
識名言

文無枝詞較日食  
奏更為勁切

愛之適足以害之者也宜深覽前世以節賢寵全安其

命

帝覽奏不說而愈  
愛賢不能自勝

再論董賢奏

哀帝託傳太后遺詔益封董賢  
二千戶嘉封還詔書復奏封事

臣聞爵祿土地天之有也書云天命有德五服五章哉  
王者代天爵人尤宜慎之裂地而封不得其宜則衆庶  
不服感動陰陽其害疾自深今聖體久不平此臣嘉所  
內懼也高安侯賢佞幸之臣陛下傾爵位以貴之單貨  
財以富之損至尊以寵之主威以黜府臧以竭唯恐不

東發黃震曰嘉之事哀帝剛方不撓開陳婉切可謂大臣矣

西山真德秀曰嘉以直言忤旨得譴然猶下群臣公卿議其罪此漢世良法然觀當時所議惟擊勝謂薦相等罪微不應迷國之法然終不敢明其忠況他人

足財皆民力所為孝文皇帝欲起露臺重百金之費克

已不作今賢散公賦以施私惠一家至受千金往古以

來貴臣未嘗有此流聞四方皆同怨之里諺曰千人所

指無病而死臣常為之寒心今太皇太后以永信太后

遺詔詔丞相御史益賢戶賜三侯國

孔鄉侯傅晏汝昌侯傅商陽新侯鄭

業臣嘉竊惑山崩地動日食於三朝

歲月日

皆陰侵陽

之戒也前賢已再封晏商再易邑業緣私橫求恩已過

厚求索自恣不知厭足甚傷尊尊之義不可以示天下



乎自嘉死後群臣暗啞無復敢開口論事者遂成新莽之集悲夫

為害痛矣臣驕侵罔陰陽失節氣感相動害及身體陛下寢疾久不平繼嗣未立宜思正萬事順天人之心以求福祐奈何輕身肆意不念高祖之勤苦垂立制度欲傳之於無窮哉孝經曰天子有爭臣七人雖無道不失其天下臣謹封上詔書不敢露見非愛死而不自法恐天下聞之故不敢自效愚戇數犯忌諱惟陛下省察

毋將隆

字君房東海蘭陵人哀帝時為京兆尹左遷南郡太守尋免官徙合浦

諫賜武庫兵器奏

時上使中黃門發武庫兵前後十輩送董賢及上乳母王

阿舍隆

上奏

質確不繁而意已獨至

守溪王鑒曰此奏詞嚴而理正

武庫兵器天下公用國家武備繕治造作皆度大司農

錢

用度皆出大司農

錢自乘輿不以給共養共養勞賜

壹出少府蓋不以本臧給末用不以民力共浮費別公

私示正路也古者諸侯方伯得顓征伐廼賜斧鉞漢家

邊吏職在距寇亦賜武庫兵皆任其事然後蒙之春秋

之誼家不臧甲所以抑臣威損私力也今賢等便僻弄

臣私恩微妾而以天下公用給其私門契國威器共其

家備

契缺也

民力分於弄臣武兵設於微妾建立非宜以

廣驕僭非所以示四方也孔子曰奚取於三家之堂臣

請收還武庫

師丹

字仲公琅邪東武人哀帝時為大司空封高樂侯

定陶共王立廟議

時郎中令冷褒黃門郎段猶等復奏言定陶共皇太后共

皇后皆不宜復引定陶藩國之名以冠大號又宜為共皇立廟京師上下其議丹議云

聖王制禮取法於天地故尊卑之禮明則人倫之序正

人倫之序正則乾坤得其位而陰陽順其節人主與萬

議甚正後世漢議與獻議皆當以此為準

尊嚴王慎中曰  
丹議侃侃然砥  
柱中流可謂獨  
立不懼者

民俱蒙祐福尊卑者所以正天地之位不可亂也今定  
陶共皇太后共皇后以定陶共皇為號者母從子妻從  
夫之義也欲立官置吏車服與太皇太后並非所以明  
尊卑亡二上之義也定陶共皇號諡已前定義不得復  
改禮父為士子為天子祭以天子其尸服以士服子亡  
爵父之義尊父母也為人後者為之子故為所後服斬  
衰三年而降其父母期明尊本祖而重正統也孝成皇  
帝聖恩深遠故為共王立後奉承祭祀令共皇長為一

西山真德秀曰  
按丹持議甚得  
禮經本指治平  
濮議之所據也  
其曰為人後者  
為之子本儀禮  
云

國太祖萬世不毀恩義已備陛下既繼體先帝持重大  
宗承宗廟天地社稷之祀義不得復奉定陶共皇祭入  
其廟今欲立廟於京師而使臣下祭之是無主也又親  
盡當毀空去一國太祖不墮之祀而就無主當毀不正  
之禮非所以尊厚共皇也

丹由是浸不合  
上意尋策免

李尋

字子長平陵人治尚書好洪範災異又學  
天文月令陰陽哀帝初召尋待詔黃門

災異對

時帝使侍中衛尉傅喜問尋曰間者水  
出地動日月失度星辰亂行災異仍重

極言毋  
有所諱

篇中援引雖繁其  
切於治術處固是  
正論

陛下聖德尊天敬地畏命重民悼懼變異不忘疏賤之  
臣幸使重臣臨問愚臣不足以奉明詔竊見陛下新即  
位開大明除忌諱博延名士靡不並進臣尋位卑術淺  
過隨衆賢待詔食太官衣御府久汙玉堂之署

玉堂殿  
在未央

宮北得召見亡以自效復時見延問至誠自以逢不世  
出之命願竭愚心不敢有所避庶幾萬分有一可采唯  
棄須臾之間宿留瞽言考之文理稽之五經揆之聖意  
以參天心夫變異之來各應象而至臣謹條陳所聞易

臣鴻緒曰詳析  
災異議切時政  
論議皆有根據  
非但星歷家言

曰縣象著明莫大乎日月夫日者衆陽之長輝光所燭  
萬里同晷

晷景也

人君之表也故日將旦清風發羣陰伏

君以臨朝不牽於色日初出炎以陽君登朝佞不行忠  
直進不蔽障日中輝光君德盛明大臣奉公日將入專  
以壹君就房有常節君不脩道則日失其度晡昧亡光  
各有云為其於東方作日初出時陰雲邪氣起者法為  
牽于女謁有所畏難日出後為近臣亂政日中為大臣  
欺誣日且入為妻妾役使所營間者日尤不精光明侵

奪失色邪氣珥蜺數作本起於晨相連至昏其日出後至日中間差瘡小臣不知內事竊以日視陛下志操衰於始初多矣其咎恐有以守正直言而得罪者傷嗣害世不可不慎也唯陛下執乾剛之德強志守度毋聽女謁邪臣之態諸保阿乳母甘言悲辭之託斷而勿聽勉強大誼絕小不忍良有不得已可賜以財貨不可私以官位誠皇天之禁也日失其光則星辰放流陽不能制陰陰桀得作間者太白正晝經天宜隆德克躬以執不



軌臣聞月者衆陰之長銷息見伏百里為品千里立表

萬里連紀

品同也言百里內數度同也千里則當立表度其景萬里則繼其本所起紀其宿度也

妃后大臣諸侯之象也朔晦正終始弦為繩墨望成君

德春夏南秋冬北間者月數以春夏與日同道

房有四星其間

有三道春夏南行南頭第一星裏道也秋冬北行北頭第一星裏道也與日同道者謂中央道也此三道者日月五星之所由也過軒轅上后受氣

軒轅南大星為后

入太微帝廷揚

光輝犯上將近臣列星皆失色厭厭如滅

厭音

此為母

后與政亂朝陰陽俱傷兩不相便外臣不知朝事竊信

臣乾學曰天事  
恒象感應之理  
可信不誣漢人  
專家之學尤為  
精密歐陽諸公  
欲盡廢之誠為  
高明之過宜為  
胡文定所斥也

天文即如此近臣已不足杖矣屋大柱小可為寒心唯

陛下親求賢士無強所惡以崇社稷尊彊本朝臣聞五

星者五行之精五帝司命應王者號令為之節度歲星

主歲事為統首號令所紀今失度而盛此君指意欲有

所為未得其節也又填星不避歲星者后帝共政相畱

於奎婁歲星為帝填星為女主也當以義斷之熒惑往來亡常周歷

兩宮作態低印兩宮謂紫微太微入天門上明堂貫尾亂宮角兩

星為天門房為太白發越犯庫發越疾貌庫天庫也奎為天庫兵寇之

明堂尾為後宮

應也貫黃龍入帝庭

黃龍軒轅也

當門而出隨熒惑入天門

至房而分欲與熒惑為患不敢當明堂之精此陛下神

靈故禍亂不成也熒惑厥弛

厥弛動搖貌

佞巧依執微言毀

譽進類蔽善太白出端門

端門太微正南門

臣有不臣者火入

室金上堂

火入室謂熒惑歷兩宮也金謂太白也上堂入房星也

不以時解其憂

凶填歲相守又主內亂宜察蕭牆之內毋忽親疏之微

誅放佞人防絕萌芽以盪滌濁滅消散積惡毋使得成

禍亂辰星主正四時當效于四仲四時失序則辰星作

異今出於歲首之孟天所以譴告陛下也政急則出蚤

政緩則出晚政絕不行則伏不見而為彗弗

弗與字同

四孟

皆出為易王命四季皆出星家所諱今幸獨出寅孟之

月蓋皇天所以篤右陛下也宜深自改治國故不可以

戚戚欲速則不達經曰三載考績三考黜陟加以號令

不順四時既往不咎來事之師也間者春三月治大獄

時賊陰立逆恐歲小收季夏舉兵法時寒氣應恐後有

霜電之災秋月行封爵其月土溼奧

違於月令也奧溫也○奧於六反

臣士奇曰世議漢儒惑於災異董仲舒亦不免如翼奉李尋正故不同於時家

恐後有雷電之變夫以喜怒賞罰而不顧時禁雖有堯舜之心猶不能致和善言天者必有效於人設上農夫而欲冬田肉袒深耕汗出種之然猶不生者非人心不至天時不得已易曰時止則止時行則行動靜不失其時其道光明書曰敬授民時故古之王者尊天地重陰陽敬四時嚴月令順之以善政則和氣可立致猶枹鼓之相應也

枹擊鼓之椎也。音孚。

今朝廷忽於時月之令諸侍中

尚書近臣宜皆令通知月令之意設羣下請事若陛下

出令有謬於時者當知爭之以順時氣臣聞五行以水

為本其星玄武婺女天地所紀終始所生

婺女須女也北方天地之

統陰陽之終始也

水為準平王道公正修明則百川理落脉通

落謂經絡也

偏黨失綱則踊溢為敗書云水曰潤下陰動而

卑不失其道天下有道則河出圖洛出書故河洛決溢

所為最大今汝潁畎澮皆川水漂踊與雨水並為民害

畎澮小流也廣尺深尺曰畎廣二尋深二仞謂之澮川者水貫穿而通流也

此詩所謂燿燿

震電不寧不令百川沸騰者也其咎在於皇甫卿士之

屬

皇甫卿士周室女寵之族也

唯陛下留意詩人之言少抑外親大

臣臣聞地道柔靜陰之常義也地有上中下其上位震應妃后不順中位應大臣作亂下位應庶民離畔震或於其國國君之咎也四方中央連國歷州俱動者其異最大間者關東地數震五星作異亦未大逆宜務崇陽抑陰以救其咎固志建威閉絕私路拔進英雋退不任職以彊本朝夫本彊則精神折衝本弱則招殃致凶為邪謀所陵聞往者淮南王作謀之時其所難者獨有汲

黯以為公孫弘等不足言也弘漢之名相於今亡比而

尚見輕何況亡弘之屬乎故曰朝廷亡人則為賊亂所

輕其道自然也天下未聞陛下奇策固守之臣也語曰

何以知朝廷之衰人人自賢不務於通人故世陵夷

通人

謂薦達賢材也馬不伏歷不可以趨道士不素養不可以重國

伏歷謂伏槽歷而秣之也詩曰濟濟多士文王以寧

大雅文王之詩

孔子曰

十室之邑必有忠信非虛言也陛下秉四海之衆曾亡

柱幹之固守聞於四境殆開之不廣取之不明勸之不



篤傳曰土之美者善養禾君之明者善養士中人皆可

使為君子詔書進賢良赦小過無求備以博聚英雋如

近世貢禹以言事忠切蒙尊榮當此之時士厲身立名

者多禹死之後日日以衰及京兆尹王章坐言事誅滅

智者結舌邪偽並興外戚顓命君臣隔塞至絕繼嗣女

宮作亂

謂趙飛燕姊妹也

此行事之敗誠可畏而悲也本在積

任母后之家非一日之漸往者不可及來者猶可追也

先帝大聖深見天意昭然使陛下奉承天統欲矯正之

也宜少抑外親選練左右舉有德行道術通明之士充  
備天官然後可以輔聖德保帝位承太宗下至郎吏從  
官行能亡以異又不通一藝及博士無文雅者宜皆使  
就南畝以視天下明朝廷皆賢材君子於以重朝尊君  
減凶致安此其本也臣自不知所言害身不辟死亡之誅  
唯財畱神反覆愚臣之言

上雖不從尋言然采其語每有非常輒問尋

鮑宣

字子都渤海高城人好學明經哀帝時為諫大夫拜司隸抵罪王莽秉政惡漢忠直臣不

附已者  
宣坐死

直而不撓質而無  
飾故辭無憊於通  
衆也

諫寵外親幸臣書

宣每居位常諫爭其言少文  
多實時丁傅子弟並進董賢

貴幸宣

上書諫

竊見孝成皇帝時外親持權人人牽引所私以充塞朝  
廷妨賢人路濁亂天下奢泰亡度窮困百姓是以日蝕  
且十彗星四起危亡之徵陛下所親見也今奈何反覆  
劇於前乎朝臣亡有大儒骨鯁白首耆艾魁壘之士  
魁壘壯貌論議通古今喟然動衆心憂國如饑渴者臣未見也  
敦外親小童及幸臣董賢等在公門省戶下陛下欲與

荆川唐順之曰

此等文字是皆

直寫胸中所見

而非有意於為

尤者也然其文

亦自勁健

此共承天地安海內甚難

共讀曰恭

今世俗謂不智者為能

謂智者為不能昔堯放四罪而天下服今除一吏而衆

皆惑古刑人尚服今賞人反惑請寄為姦

請寄謂以事私相託也

羣小日進國家空虛用度不足民流亡去城郭盜賊並

起吏為殘賊歲增於前凡民有七亡

亡謂失其作業

陰陽不和

水旱為災一亡也縣官重責更賦租稅二亡也

更謂為更卒也

貪吏並公受取不已三亡也

並依也步浪反

豪強大姓蠶食

亡厭四亡也苛吏繇役失農桑時五亡也部落鼓鳴男

守溪王參曰七  
七七死曲盡流  
離困苦之狀千  
載之後讀之令  
人酸鼻

女遮世六亡也

世古列字言聞桴鼓之聲以為  
有盜賊皆當遮列而追捕也

盜賊劫

略取民財物七亡也七亡尚可又有七死酷吏毆殺一  
死也治獄深刻二死也冤陷亡辜三死也盜賊橫發四  
死也怨讐相殘五死也歲惡饑餓六死也時氣疾疫七  
死也民有七亡而無一得欲望國安誠難民有七死而  
無一生欲望刑措誠難此非公卿守相貪殘成化之所  
致邪羣臣幸得居尊官食重祿豈有肯加惻隱於細民  
助陛下流教化者耶志但在營私家稱賓客為姦利而

已務稱賓客所求也

以苟容曲從為賢以拱默尸祿為智謂如

臣宣等為愚陛下擢臣巖穴誠冀有益豪毛豈徒欲使

臣美食大官重高門之地哉

高門殿名也

天下乃皇天之天

下也陛下上為皇天子下為黎庶父母為天牧養元元

視之當如一合尸鳩之詩

尸鳩曹風之篇

今貧民菜食不厭衣

又穿空

空孔也

父子夫婦不能相保誠可為酸鼻陛下不

救將安所歸命乎奈何獨私養外親與幸臣董賢多賞

賜以大萬數使奴從賓客漿酒霍肉

視酒如漿視肉如霍也霍豆葉蒼

水憲劉友益曰  
自劉輔以諫大  
夫論鬼神自是  
諫官無聞焉宣  
謂然董賢用喜  
武辭語則切可

謂無媿其職矣

頭廬兒皆用致富非天意也

漢名奴為蒼頭諸給殿中者所居為廬蒼頭侍從因

呼為廬兒

及汝昌侯傳商亡功而封夫官爵非陛下之官爵

乃天下之官爵也陛下取非其官官非其人而望天說

民服豈不難哉方陽侯孫寵宜陵侯息夫躬辨足以移

衆強可用獨立姦人之雄或世尤劇者也

或與惑同

宜以時

罷退及外親幼童未通經術者皆宜令休就師傅急徵

故大司馬傅喜使領外親故大司空何武師丹故丞相

孔光故左將軍彭宣經皆更博士位皆厯三公智謀威

信可與建教化圖安危龔勝為司直郡國皆慎選舉三

輔委輸官不敢為姦

委輸謂輸委積者也

可大委任也陛下前以

小不忍退武等海內失望陛下尚能容亡功德者甚衆

曾不能忍武等邪治天下者當用天下之心為心不得

自專快意而已也上之皇天見譴下之黎庶怨恨次有

諫爭之臣陛下苟欲自薄而厚惡臣天下猶不聽也臣

雖愚戇獨不知多受祿賜美食大官廣田宅厚妻子不

與惡人結仇怨以安身邪誠迫大義官以諫爭為職不

臣杜訥曰誠懷之至不自覺其言之沉痛與恬撫浮詞者相去遠矣



辭尚質樸意存伉  
直所謂布帛菽粟  
之文可濟實用者  
也

敢不竭愚惟陛下少畱神明覽五經之文原聖人之至  
意深思天地之戒臣宣訥鈍於辭不勝惓惓盡死節而  
已

上以宣名  
儒優容之

### 論董賢書

陛下父事天母事地子養黎民即位已來父虧明母震  
動子訛言相驚恐今日蝕於三始

三始猶  
言三朝

誠可畏懼小

民正月朔日尚恐毀敗器物何況於日虧乎陛下深內  
自責避正殿舉直言求過失罷退外親及旁仄素餐之

東發黃震曰哀  
帝時丁傳並進  
董賢貴幸鮑宣  
反覆切諫雖昏  
如哀帝亦為感  
動不誠而能若  
是乎莽雖以其  
不附已誅之宣  
蓋死有餘榮矣

人徵拜孔光為光祿大夫發覺孫寵息夫躬過惡免官  
遣就國衆庶歛然莫不說喜天人同心人心說則天意  
解矣乃二月丙戌白虹蜺日連陰不雨

蜺音干

此天有憂

結末解民有怨望未塞者也侍中駙馬都尉董賢本無  
段淳之親但以令色諛言自進賞賜亡度竭盡府臧并  
合三第尚以為小復壞暴室賢父子坐使天子使者將  
作治第行夜吏卒皆得賞賜上冢有會輒太官為供海  
內貢獻當養一君今反盡之賢家豈天意與民意邪天

不可久負厚之如此反所以害之也誠欲哀賢宜為謝

過天地解讐海內免遣就國收乘輿器物還之縣官如

此可以父子終其性命不者海內之所仇未有得久安

者也孫寵息夫躬不宜居國可皆免以視天下復徵何

武師丹彭宣傳喜曠然使民易視以應天心建立大政

以興太平之端高門去省戶數十步求見出入二年未

省欲使海瀕仄陋自通遠矣願賜數刻之間刻漏刻也間空隙

極竭芟芟之思芟芟蒙蒙也謹願貌○音沐退入三泉死亡所恨上感

大異納宣言徵何武彭

宣旬月皆復為三公

揚雄

字子雲蜀郡成都人好學不為章句訓詁通

而已博覽無所不見嘗好辭賦成帝時待詔承明之庭屢奏賦以風勸除為郎給

事黃門王莽篡位以久次為大夫

諫不受單于朝書

哀帝建平四年烏珠留單于上書願朝公卿以為虛費府

帑可且勿許

雄上書諫

文法而暢意婉而周

臣聞六經之治貴於未亂兵家之勝貴於未戰二者皆微然而大事之本不可不察也今單于上書求朝國家不許而辭之臣愚以為漢與匈奴從此隙矣本北地之

致堂胡寅曰帝  
王於中國無事  
時鮮不欲開闢  
土地行師荒外  
服前代所不能  
服以為一時駿  
功若漢武之於  
西北行師三十  
餘年卒不得如  
志至于宣元成  
哀平無意武功  
者乃坐享其成  
哀平之世漢已  
衰矣匈奴烏孫

狄五帝所不能臣三王所不能制其不可使隙甚明臣

不敢遠稱請引秦以來明之以秦始皇之彊蒙恬之威

帶甲四十餘萬然不敢窺西河廼築長城以界之會漢

初興以高祖之威靈三十萬衆困於平城士或七日不

食時竒譎之士石畫之臣甚衆

石言堅固如石也

卒其所以脫

者世莫得而言也又高皇后嘗忿匈奴羣臣庭議樊噲

請以十萬衆橫行匈奴中季布曰噲可斬也妄阿順指

於是大臣權書遺之

以權道為書順辭以答之

然後匈奴之結解中

猶不廢禮而域  
佩印五十餘君  
雖曰中國榮觀  
譬猶大木枝葉  
尚茂而蠹生心  
腹根幹將顛矣  
是故聖王專務  
治內以固其本  
不勤遠畧而忽  
邇圖其慮遠矣

國之憂乎及孝文時匈奴侵暴北邊候騎至雍甘泉京

師大駭發三將軍屯細柳棘門霸上以備之數月廼罷

孝武即位設馬邑之權欲誘匈奴使韓安國將三十萬

衆徼於便墜

徼要也墜古地字○徼工堯反

匈奴覺之而去徒費財勞

師一虜不可得見況單于之面乎其後深惟社稷之計

規恢萬載之策廼大興師數十萬使衛青霍去病操兵

前後十餘年於是浮西河絕大幕破寘顏襲王庭窮極

其地追奔逐北封狼居胥山禪於姑衍以臨翰海虜名

王貴人以百數自是之後匈奴震怖益求和親然而未肯稱臣也且夫前世豈樂傾無量之費役無罪之人快心於狼望之北哉

匈奴中地名也

以為不壹勞者不久佚不暫

費者不永寧是以忍百萬之師以摧餓虎之喙運府庫之財填廬山之壑而不悔也

廬山匈奴中山也

至本始之初匈奴

奴有樂心欲掠烏孫侵公主廼發五將之師十五萬騎獵其南而長羅侯

常惠

以烏孫五萬騎震其西皆至質而

還

質信也謂所期處

時鮮有所獲徒奮揚威武明漢兵若雷風

耳雖空行空反尚誅兩將軍

祁連將軍田廣明坐逗遛虎牙將軍田順坐詐增鹵

獲皆下獄自殺

故北狄不服中國未得高枕安寢也逮至元康

神爵之間天化神明鴻恩溥洽而匈奴內亂五單于爭

立日逐呼韓邪攜國歸死扶伏稱臣然尚羈縻之計不

頗制

頗制謂以爲臣妾也

自此之後欲朝者不距不欲者不强何

者外國天性忿鷙形容魁健負力怙氣難化以善易隸

以惡其強難誅其和難得故未服之時勞師遠攻傾國

殫貨伏尸流血破堅拔敵如彼之難也既服之後慰薦



臣士奇曰老成  
遠識文特奇麗

撫循交接賂遺威儀俯仰如此之備也往時嘗屠大宛

之城蹈烏桓之壘探姑繒之壁

姑繒西南夷種在益州

籍蕩姐之

場

羌屬也籍蹈也○姐音紫

艾朝鮮之旃拔兩越之旗

艾讀曰刈絕也

近不

過旬月之役遠不離二時之勞

離歷也三個月為一時

固已犁其庭

掃其閭

犁耕也

郡縣而置之雲徹席卷後無餘菑唯北狄

為不然真中國之堅敵也三垂比之懸矣前世重之茲

甚未易可輕也今單于歸義懷款誠之心欲離其庭陳

見於前此廼上世之遺策神靈之所想望國家雖費不

得已者也奈何距以來厭之詞疎以無日之期消往昔

之恩開將來之隙夫歟而隙之使有恨心負前言緣往

辭

言單于因緣往昔和好之辭以怨嘆也

歸怨於漢因以自絕終無北面

之心威之不可諭之不能焉得不為大憂乎夫明者視

於無形聰者聽於無聲誠先於未然即蒙恬樊噲不復

施棘門細柳不復備馬邑之策安所設衛霍之功何得

用五將之威安所震不然壹有隙之後雖智者勞心於

內辯者轂擊於外猶不若未然之時也且往者圖西域

制車師置城郭都護三十六國費歲以大萬計者豈為  
康居烏孫能踰白龍堆而寇西邊哉龍堆在西域中以制匈  
奴也夫百年勞之一日失之費十而愛一臣竊為國不  
安也唯陛下少留意於未亂未戰以遏邊萌之禍書奏天子  
寤焉報單于書而許之

劉歆

字子駿成帝時為黃門郎哀帝河平中受詔與父向領校秘書歷遷騎都尉奉車光祿大

夫後歷郡守莽

篡位為國師

毀廟議

哀帝即位丞相孔光等奏言宗廟迭毀之次當以時定光祿勳彭宣等皆以為

孝武皇帝雖有功烈親盡宜  
毀歆與太僕王舜同上議

引據論議卓爾不  
羣洵可謂博而篤  
矣

叔皮班彪曰考  
觀諸儒之議劉  
歆博而篤矣

臣聞周室既衰四夷並侵獫狁最強於今匈奴是也至  
宣王而伐之詩人美而頌之曰薄伐獫狁至於太原又  
曰嘽嘽推推如霆如雷顯允方叔征伐獫狁荆蠻來威  
小雅采芑之詩故稱中興及至幽王犬戎來伐殺幽王取宗器  
自是之後南夷與北夷交侵中國不絕如綫春秋紀齊  
桓南伐楚北伐山戎孔子曰微管仲吾其被髮左衽矣  
是故弃桓之過而錄其功以為伯首及漢興冒頓始彊

破東胡禽月氏并其土地地廣兵彊為中國害南越尉  
佗總百粵自稱帝故中國雖平猶有四夷之患且無寧  
歲一方有急三面救之是天下皆動而被其害也孝文  
皇帝厚以貨賂與結和親猶侵暴無已甚者興師十餘  
萬衆近屯京師及四邊歲發屯備虜其為患久矣非一  
世之漸也諸侯郡守連匈奴及百粵以為逆者非一人  
也匈奴所殺郡守都尉略取人民不可勝數孝武皇帝  
愍中國罷勞無安寧之時乃遣大將軍驃騎伏波樓船

之屬南滅百粵起七郡北攘匈奴降昆邪十萬之衆置  
五屬國起朔方以奪其肥饒之地東伐朝鮮起玄菟樂  
浪以斷匈奴之左臂西伐大宛并三十六國結烏孫起  
敦煌酒泉張掖以鬲婼羗裂匈奴之右肩

婼音而  
遮反

單于

孤特遠遁于幕北四垂無事斥地遠境起十餘郡

斥開  
也遠

廣功業既定廼封丞相為富民侯以大安天下富實百

姓其規撫可見又招集天下賢俊與協心同謀興制度  
改正朔易服色立天地之祠建封禪殊官號存周後定

臣乾學曰王通氏論七制之主三代齊稱漢世幅員至孝武而始定功尤不可泯也舊唐書其奚媿焉此議足以上成宣帝之孝思矣

諸侯之制永無逆爭之心至今累世賴之單于守藩百蠻服從萬世之基也中興之功未有高焉者也高帝建大業為太祖孝文皇帝德至厚也為文太宗孝武皇帝功至著也為武世宗此孝宣帝所以發德音也禮記王制及春秋穀梁傳天子七廟諸侯五大夫三士二天子七日而殯七月而葬諸侯五日而殯五月而葬此喪事尊卑之序也與廟數相應其文曰天子三昭三穆與太祖之廟而七諸侯二昭二穆與太祖之廟而五故德厚

者流光德薄者流卑春秋左氏傳曰名位不同禮亦異數自上以下降殺以兩禮也七者其正法數可常數者也宗不在此數中宗變也

言非常數故云變也

苟有功德則宗之

不可預為設數故於殷太甲為太宗太戊曰中宗武丁曰高宗周公為毋逸之戒舉殷三宗以勸成王繇是言之宗無數也然則所以勸帝者之功德博矣以七廟言之孝武皇帝未宜毀以所宗言之則不可謂無功德禮記祀典曰夫聖王之制祀也功施於民則祀之以勞定



國則祀之能救大災則祀之竊觀孝武皇帝功德皆兼而有焉凡在於異姓猶將特祀之況于先祖或說天子五廟無見文又說中宗高宗者宗其道而毀其廟名與實異非尊德貴功之意也詩云蔽芾甘棠勿鬻勿伐邵伯所茇召南甘棠之詩思其人猶愛其樹況宗其道而毀其廟乎迭毀之禮自有常法無殊功異德固以親疏相推及至祖宗之序多少之數經傳無明文至尊至重難以疑文虛說定也孝宣皇帝舉公卿之議用衆儒之謀既以

為世宗之廟建之萬世宣布天下臣愚以為孝武皇帝

功烈如彼孝宣皇帝崇立之如此不宜毀

上覽其議而從之

責讓太常博士書

歆欲建立左氏春秋及毛詩逸禮古文尚書皆列於學官

哀帝令歆與五經博士講論其義諸博士或不肯置對歆因移書責讓之

辭理明確有功經學之文

迂齋樓昉曰辨難攻擊之體峻深有力

昔唐虞既衰而三代迭興聖帝明王累起相襲其道甚著周室既微而禮樂不正道之難全也如此是故孔子憂道之不行歷國應聘自衛反魯然後樂正雅頌乃得其所修易序書制作春秋以紀帝王之道及夫子沒而

西山真德秀曰  
觀此書則漢於  
六經殘缺之餘  
收拾補完其功  
亦不可少

微言絕七十子終而大義乖重遭戰國棄籩豆之禮理  
軍旅之陳孔子之道抑而孫吳之術興陵夷至于暴秦  
燔經書殺儒士設挾書之法行是古之罪道術由是遂  
滅漢興去聖帝明王遐遠仲尼之道又絕法度無所因  
襲時獨有一叔孫通略定禮儀天下唯有易卜未有它  
書至孝惠之世乃除挾書之律然公卿大臣絳灌之屬  
咸介胄武夫莫以為意至孝文皇帝始使掌故朝錯掌故  
官名從伏生受尚書尚書初出於屋壁朽折散絕今其  
也

書見在時師傳讀而已詩始萌芽

言若草木之初生

天下衆書

往往頗出皆諸子傳說猶廣立於學官為置博士在漢

朝之儒唯賈生而已

謂賈誼

至孝武皇帝然後鄒魯梁趙

頗有詩禮春秋先師皆起於建元之間當此之時一人

不能獨盡其經或為雅或為頌相合而成秦誓後得博

士集而讀之故詔書稱曰禮壞樂崩書缺簡脫朕甚閔

焉時漢興已七八十年離於全經固已遠矣及魯恭王

壞孔子宅欲以為宮而得古文於壞壁之中逸禮有三

十九書十六篇天漢之後孔安國獻之遭巫蠱倉卒之  
難未及施行及春秋左氏丘明所修皆古文舊書多者  
二十餘通藏於秘府伏而未發孝成皇帝閱學殘文缺  
稍離其真乃陳發秘藏校理舊文得此三事以考學官  
所傳經或脫簡傳或閒編脫簡遺失之閒編謂舊編爛絕就更次之前後錯亂也○  
閒古傳問民間則有魯國桓公趙國貫公膠東庸生之  
覓反遺學與此同抑而未施此乃有識者之所惜閔士君子  
之所嗟痛也往者綴學之士不思廢絕之闕苟因陋就

臣廷敬曰終兩漢之世不立左氏春秋學光武常採陳元之言置博士旋以衆議不同而罷則諸儒專已守殘好同惡異之過

寡分文析字煩言碎辭學者罷老且不能究其一藝信口說而背傳記是末師而非往古至於國家將有大事若立辟雍封禪巡狩之儀則幽冥而莫知其原猶欲保殘守缺挾恐見破之私意而無從善服義之公心或懷妒嫉不考情實雷同相從隨聲是非抑此三學以尚書為備當時學者謂尚書唯有二十八篇不知本有百篇也謂左氏為不傳春秋豈不哀哉今聖上德通神明繼統揚業亦閔文學錯亂學士若茲雖昭其情猶依違謙讓樂與士君子同之故下

明詔試左氏可立不遣近臣奉指銜命將以輔弱扶微與二三君子比意同力冀得廢遺今則不然深閉固距而不肯試猥以不誦絕之

猥苟也苟不誦習之而欲絕去此學

欲以杜塞

餘道絕滅微學夫可與樂成難與慮始此乃衆庶之所為耳非所望士君子也且此數家之事皆先帝所親論今上所考視其古文舊書皆有徵驗外內相應豈苟而已哉夫禮失求之於野古文不猶愈於野乎往者博士書有歐陽春秋公羊易則施孟然孝宣皇帝猶復廣立

穀梁春秋梁丘易大小夏侯尚書義雖相反猶並置之  
何則與其過而廢之也寧過而立之

過猶誤

傳曰文武之

道未墜於地在人賢者志其大者不賢者志其小者今  
此數家之言所以兼包大小之義豈可偏絕哉若必專

已守殘

專執已所偏見苟守殘缺之文也

黨同門妒道真

黨同師之學妒道藝之真

也  
違明詔失聖意以陷於文吏之議甚為二三君子不  
取也

賈讓

哀帝時待詔



治河之法古今異  
宜語其大者三策  
盡之矣

# 治河奏

哀帝時博求能浚川疏  
河者莫有應書讓奏言

治河有上中下策古者立國居民疆理土地必遺川澤  
之分度水勢所不及大川無防小水得入陂障卑下以  
為汙澤

停水  
曰汙

使秋水多得有所休息左右游波寬緩而

不迫夫土之有川猶人之有口也治土而防其川猶止  
兒啼而塞其口豈不遽止然其死可立而待也故曰善  
為川者決之使道善為民者宣之使言蓋隄防之作近  
起戰國雍防百川各以自利齊與趙魏以河為竟趙魏

瀕山齊地卑下

瀕山猶言以山為邊界也

作堤去河二十五里河水

東抵齊隄則西泛趙魏趙魏亦為隄去河二十五里雖

非其正水尚有所遊盪時至而去則填淤肥美民耕田

之或久無害稍築室宅遂成聚落大水時至漂沒則更

起隄防以自救稍去其城郭排水澤而居之湛溺自其

宜也今隄防陋者去水數百步遠者數里近黎陽南故

大金隄從河西西北行至西山南頭廼折東與東山相

屬民居金隄東為廬舍住十餘歲更起隄從東山南頭

臣鴻緒曰治河策自漢以後形勢大異然其議論條達救陳弘暢自是名臣章奏

直南與故大隄會又內黃界中有澤方數十里環之有

隄往十餘歲太守以賦民

以隄中之地給與民

民今起廬舍其中

此臣親所見者也東郡白馬故大隄亦復數重民皆居

其間從黎陽北盡魏界故大隄去河遠者數十里內亦

數重此皆前世所排也河從河內北至黎陽為石隄激

使東抵東郡平剛

激者聚石於隄旁衝要之處所以激去其水也

又為石隄使

西北抵黎陽觀下

觀縣名也

又為石隄使東北抵東郡津北

又為石隄使西北抵魏郡昭陽又為石隄激使東北百

餘里間河再西三東迫阨如此不得安息今行上策徙

冀州之民當水衝者決黎陽遮害亭放河使北入海河

西薄大山東薄金隄勢不能遠泛濫期月自定難者將

曰若如此敗壞城郭田廬冢墓以萬數百姓怨恨昔大

禹治水山陵當路者毀之故鑿龍門辟伊闕

辟讀曰闕

析底

柱破碣石

析分也

墮斷天地之性此廼人功所造何足言

也今瀕河十郡治隄歲費且萬萬及其大決所殘無數

如出數年治河之費以業所徙之民遵古聖之法定山

臣英曰賈讓雖  
陳三策觀其叙  
述有詳畧命意  
亦多在中策耳  
故後代率用之

川之位使神人各處其所而不相奸奸音干且以大漢方

制萬里豈其與水爭咫尺之地哉此功一立河定民安

千載無患故謂之上策若廼多穿漕渠於冀州地使民

得以溉田分殺水怒雖非聖人法然亦救敗術也難者

將曰河水高於平地歲增隄防猶尚決溢不可以開渠

臣竊按視遮害亭西十八里至淇水口廼有金隄高一

丈自是東地稍下隄稍高至遮害亭高四五丈往五六

歲河水大盛增丈七尺壞黎陽南郭門入至堤下謂水從郭

南門入北門水未踰隄二尺所從隄上北望河高出民出而至隄也

屋百姓皆走上山水留十三日隄潰二所吏民塞之臣循隄上行視水勢南七十餘里至淇口水適至隄半計出地上五尺所今可從淇口以東為石隄多張水門初元中遮害亭下河去隄足數十步至今四十餘歲適至隄足由是言之其地堅矣恐議者疑河大川難禁制滎陽漕渠足以卜之其水門但用木與土耳今據堅地作石隄勢必完安冀州渠首盡當印此水門治渠非穿地

臣士奇曰讓之上策大利大害係為中策可常行下策鼓柱目前而已詳細曲折此奏已具有水經注

也但為東方一隄北行三百餘里入漳水中其西因山

足高地諸渠皆往往股引取之

股支別也

旱則開東方下水

門溉冀州水則開西方高門分河流通渠有三利不通

有三害民常罷於救水半失作業

此一害

水行地上湊潤

上徹民則病溼氣木皆立枯鹵不生穀

此二害

決溢有敗

為魚鼈食此三害也若有渠溉則鹽鹵下隰填淤加肥

此一利

故種禾麥更為秔稻高田五倍下田十倍

此二利秔稻之

不粘者

轉漕舟船之便此三利也今瀕河隄吏卒郡數千

人伐買薪石之費歲數千萬足以通渠成水門又民利其溉灌相率治渠雖勞不罷民田適治河隄亦成此誠富國安民興利除害支數百歲故謂之中策若廼繕完故隄增卑倍薄勞費無已數逢其害此最下策也


按漢承秦

焚書之後詩書放失至文帝時尚書始出武帝訪求遺經然後六經之文備然當文帝初洛陽賈誼已能誦詩書屬文稱於郡中矣意其所誦者別自有本或秦所未焚之書為博士所藏者猶有畱於人間者耶觀生治安諸疏及朝錯賈山所上封事其氣格之瑰瑋雄絕不異於先秦以上也及廣川董氏出變為紆徐漫衍湛深於經術兩司馬揚雄劉氏父子繼作而漢一代之文章與雅頌比隆矣論者謂其原自上讀高惠文景諸詔書何



其盛也則夫興教化以漸摩其民  
以至於移風易俗者豈不信哉

御選古文淵鑒卷十六



總校官庶吉士臣張能照

校對官助教臣汪錫魁

謄錄監生臣沈浩